

Lipaxúhu Xtamacatzinín San Marcos

Xlipulactati Evangelios huántu talichuhuinán xlatámat Quimpuchinacán Jesucristo, huá umá xla San Marcos xlicana pi ni lhuhua tachuhuín huántu lichuhuinán, masqui xlicana pi ni luu lhuhua huántu xlá lichuhuinán, pero huata huá atzinú makán laṭa tzokcanit, ni xachuná huántu tatzokli Mateo, Lucas y Juan.

Nac umá xtachuhuín San Marcos maşıyuy Jesús cumu la chatum chixcú huánti luu lakatiy xtasćujut y ni tzinú jaxa hasta tlān namakantaxtikoy huántu xlakayahuacanit. Xlá nā luu lacasquín pi nacatziyáhu pi hasta mismo Jesús xlá mān xlichuhuinancán pi huá Xatalacsacni Chixcú y huá xliminit laquí naniy caj quimpalacatacán y chuná naxokonún quintalakalhincán.

Ni lichuhuinán nincocxni lacáchilh Jesús, o lácu luu quitáxtulh acxní lacáchilh nac caqUILhtamacú, huata umá likalhtahuaka xman lichuhuinán xlatámat Jesús y lácu xcāmatlantiy cristianos y xtahuay lhuhua laclanca tascújut, xahua lácu maknícalh y lacastacuánalh nac calinín.

*Juan Bautista akchuhuinán nac desierto
(Mateo 3.1-12; Lucas 3.1-18; Juan 1.19-28)*

¹ Eé libro lichuhuinán huántu likantáxtulh xlatámat Jesucristo Xkahuasa Dios laṭa lácu milh maştay laktáxtut.

² Chuná litzúculh cumu la profeta Isaías xamakán quilhtamacú titzóknulh xpälacata, chiné xuán:

Cmacán quiakchuhuiná napulaniyán
laquí nacaxtlahuaniyán mintiji.

³ Caj lámpara tícu quilhmimachá nac desierto antaní níticu lama cristianos y chiné huán:

“Cacaxtlahanítit tiji antanícu luu tlān nalacmín
Quimpuchinacán;
camaxtunítit kantum tiji nimá statua.”

⁴ Pus chuná timinchitá Juan Bautista xcäakmunuma cristianos nac desierto, xcähuaniy pi catalakpálilh xalixcájnit xtapuhuancán y natataakmunuy laquí Dios nacamatzankenaniy xtalakalhincán. ⁵ Xtamín takaxmatniy cristianos huánti xtalamánalh nac Judea, chu xalac Jerusalén; y acxní xlacán xtalitayay xalixcájnit xlatamatcán, maktum xtahuán pi xlicana xtalakpaliputún, Juan xcäakmunuy nac kalhtüchoko Jordán.

⁶ Huantú clhakay Juan xlitlahuanít xmacchíxit camello, xtampulaktahuilay kantum cinturón xla xuhua, y xlihuayán lactzu xtuqui chu táxcat huantú xmaclay nac cäquihiún. ⁷ Acxní xcäma-kalchuhuinij cristianos chiné xcähuaniy:

—Niaj makás quilhtamacú mima achatum ti ątzinú lanca xlacatzúc cut huantí nipara tzinú cmakalakchán naclitanuy cumu la xtasacua nacxcutniy xacorrea xstatunún. ⁸ Aquit caj chúchut ccaliakmununitán, pero xlá nacaliakmunuyán xlitlihueke Espíritu Santo.

*Akmunucán Jesúś
(Mateo 3.13-17; Lucas 3.21-22)*

⁹ Ni limakas quilhtamacú Jesúś tákaxli nac xacchiquín Nazaret huántu huí nac xmunicipio Galilea, y Juan akmúnulh nac xakalhtuchoko Jordán. ¹⁰ Acxní tacutli nac chúchut Jesúś úcxilhli pi taláquih akapún y Espíritu Santo xtactamächi nac xokspún caj la actzu paloma. ¹¹ Ná acxnitiyá takáxmatli aktum tachuhuín minchá nac akapún, chiné huánilh:

—Huix Quinkahuasa ti luu cpaxquiy, luu clipaxuhuay caj mimpalacata.

*Akskahuiní tzaksay Jesúś
(Mateo 4.1-11; Lucas 4.1-13)*

¹² Acxnituncán la tákmunukólh, qmá Espíritu Santo lelh nac desierto antaní níticu anán cristianos. ¹³ Antá xlamächá Jesúś típuxám quilhtamacú sacstu, xmán huá quitzistancán xala caqui-huín xtatalamánalh. Akskahuiní ná antá xmatlahuiputún talakalhín pero Jesúś makatlájahl, y acalistán támilh xáangeles Dios, tamaktákalhli.

*Jesúś matzuquiy xlitascújut nac Galilea
(Mateo 4.12-17; Lucas 4.14-15)*

¹⁴ Ni xlimakas quilhtamacú Juan Bautista tamacnúcalh nac pulachin, acxní Jesúś taspitpa nac Galilea y antá tzúculh cámakalhchuhuiniy cristianos lácu Dios xcámalacnunima túnuj tlán latámat. ¹⁵ Y chiné xcáhuaniy:

—Aya lakchanit quilhtamacú acxní Dios namatzuquiy xasasti xtapéksit nac caquilhtamacú. Calakpalítit xalixcájnit

mintalacapastacnicán y cacanajlátit uumá xasasti xtamācatzinín huantú māstay laktáxtut.

Jesús cahuaniy catastálánih kalhatati squitinanín

(Mateo 4.18-22; Lucas 5.1-11)

16 Maktum quilhtamacú acxní Jesús xtlahuama nac xquiltún xapupunú Galilea cäúcxilhli chatiy squitinanín xtamajumánalh xtzálhcán nac chúchut, chatum huanicán Simón y xtälá huanicán Andrés. **17** Pero Jesús cahuánih:

—Huixinín xchipananín squiti, quilaštalaníhu y aquit naccamasiyuniyán la cachipacán cristianos ti taktzankanít.

18 Xlacán tuncán tamákxtekli xtzálhcán y tastalánih.

19 Caj actzú tlahuampá Jesús úcxilhli Santiago xkahuasa Zebedeo xahua xtälá xuanicán Juan; xlacán xtatajumánalh nac aktum barco xtalaca-chimánalh xtzálhcán. **20** Jesús na cahuánih catastálánih y xlacán taakxtékmilh xtlatcán Zebedeo nac barco chu xmaktayanánin y tastalánih Jesús.

Chatum chixcú ti xmakatlajanít xespíritu ak-skahuini

(Lucas 4.31-37)

21 Táchalh nac aktum cachiquín huanicán Caper-naum y acxní lákchálh quilhtamacú acxní huakjudíos xtajaxa, Jesús tánulh nac xpusiculancán huantú huanicán sinagoga y antá tzúculh cama-kalhchuhuijy lacchixcuhiún. **22** Pütum cacs xtalacahuán acxní xtakaxmatniy huantú xlá xlichuhuijnama porque xlá lata tu xcalimapeksiy xca-huaniy la ti xlicana kálhiy límapeksín y ni caj

la xm̄akalhtahuakenacán judíos. ²³ Y acxnitiyá amá quilhtamacú nā antá tānūlh chātum chixcú t̄i xakchipaninit xtalacapāstacni akskahuiní xlá chiné quilhánilh:

²⁴ —Huix Jesús xalac Nazaret, ¿túcu xp̄alacata quilapektanuyáhu? Huix caj tan̄ita quila maspu-tuyáhu, porque aquit clakapasán y ccatziy pi huix huantí Dios lacsacnít laquí nascujnaniya.

²⁵ Pero Jesús lacaquílnilh amá xespíritu akskahuiní y chiné huánilh:

—¡Cacs caquíhuanti y camákxtekti tamá chixcú!

²⁶ Amá xespíritu akskahuiní m̄asnóknilh un y lipecua tásalh pero juerza mactáxtulh amá chixcú.

²⁷ Putum huantí antá xtalayánalh tapécualh y chiné tzúculh talakalhasquín:

—¿Lácu eé quitaxtuy? ¿Túcuya s̄asti tacatzín? ¡Eé chixcú kalhiy litlhueke tlan camapeksiy xespíritu akskahuiní y xlacán takalhakaxmata!

²⁸ Putum lacchixcuhuín xalac Galilea xtalicihuínán lata t̄u xlá xtlahuay Jesús.

*Jesús mapacsay xputiyatzí Simón Pedro
(Mateo 8.14-15; Lucas 4.38-39)*

²⁹ Acxn̄i tatáxtulh nac pusiculan Jesús c̄atálah Santiago chu Juan nac xhic Simón chu Andrés.

³⁰ Litachuhuináncajh Jesús pi xputiyatzí Simón xt̄atlatlay y xketama nac xt̄icat porque xkalhiy palha lhcuyat. ³¹ Jesús laktalacatzúhuilh antaní xmá, macachípalh y lakasiyu máquih, acxnituncán mákxtekli lhcuyat. Amá puscat táquih y tzúculh c̄axtlahuay para túcu nacatáhuay.

*Jesús camapecsay lhuhua t̄atlatlánin
(Mateo 8.16-17; Lucas 4.40-41)*

³² Acxní tzúculh tzisuán amá quilhtamacú liminícalh Jesús lhuhua t̄atlatlanín, nachuná t̄i xc̄akchipanit xtalacapastacni xespíritu aksahuiní. ³³ Y xl̄ihuak cristianos huantí xtahuilánalh nac amá cachiquín tatamacxtúmilh hasta niaj lay xtatanukoy xchic Simón. ³⁴ Jesús camatlántilh lata túcuya tajátat xtakalhiy, nachuná t̄i xc̄amactanumá xespíritu aksahuiní xlá catamáctulh. Acxní xc̄atlakaxtuy xlá ni xc̄amaxquiy quilhtamacú natachuhuinán amá aksahuinanín porque xlacán xtacatziy tícuya chixcú xuanit Jesús.

*Jesús an c̄alakatzalay lactzu cachiquín xla Galilea
(Lucas 4:42-44)*

³⁵ Acxní niq cxkakakoy amá tzisní chunacú capucsua xuanit Jesús táquih y alh kalhtahuakaniy Dios nac xquihapán amá cachiquín. ³⁶ Acxní talakáhua Simón Pedro chu x̄amakapitzí xtamakalhtahuakén tzúculh taputzay. ³⁷ Y acxní taquimáclalh tahuánilh:

—Lhuhua cristianos taputzamán.

³⁸ Pero xlá cákálhtilh:

—Chú naanáhu alacatunu cachiquín nimá tlak lacatzú tahuilánalh laqui nacalitachuhuinánáhu cristianos lácu Dios lacasquín natalatamay porque caj huá xlacata quilimacaminít Dios.

³⁹ Pus Jesús chuná c̄alakatzálalh lactzu cachiquín huantu xc̄amapeksiy Galilea. Acxní xchan nac aktum cachiquín xlá xtanuy nac xp̄usiculancán judíos laqui antá nacalimakalchuhuiníy

cristianos xtachuhuín Dios y huánti xkalhiy xespíritu akskahuiní xcāmatlantiy.

Jesús mapacsay chātum chixcú t̄i xkalhiy lepraj tajátat

(Mateo 8.1-4; Lucas 5.12-16)

40 Maktum quilhtamacú laktalacatzúhuilh Jesús chātum chixcú t̄i xkalhiy lipecuánit tajátat huanicán lepra. Xlá lakatatzokóstalh y chiné huánih:

—Aquit ccatziy pi huix tlān naquimapacsaya, para huix chuná lacasquina caquimapacsani eé quintajátat.

41 Jesús lakalhámalh, xamánih nac xmacni y chiné huánih:

—Chuná clacasquín, lanchú tuncán capacsti.

42 Acxni chuná huanikolh amá tātatlá tuncán pacсли. **43** Jesús huánih pi caalh nac xchic, pero limapéksilh:

44 —Nití cahuani lácu huix pacsnita; caj xmān caputza chātum cura laquí naucxilhán y camaxqui milimosna huántu Moisés tilimapeksinalh natamastay acxni tapacsra huánti xtakalhiy umat tajátat, laquí acxni xlá naucxilhán namáluloka y chuná pütum nacatzikocán pi aya pacsnita amá mintajátat huántu xkalhiya.

45 Pero amá chixcú catihuá tzúculh calitachuhuínán huántu xlá xtlahuánit Dios y lácu xmapacsanit. Pus caj huá xlacata Jesús niajlay xtanuyachá nac aktum cächiquín antanícu lhuhua xtzamacán, pus huata caj xcāmacnín xtlahuán antanícu nití talayánalh cristianos. Pero masqui chuná, xtamín canihuá xalanín xlacata natakaxmatniy xtachuín.

2

Jesús mapacsay chatum chixcú huanti nilay xtłahuán

(Mateo 9.1-8; Lucas 5.17-26)

¹ Ni limakas quilhtamacú Jesús ampá nac xacachiquín Capernaum y lhuhua catzícalh pi antá xlá xchánit. ² Lalihuán tatamacxtúmilh lhuhua cristianos hasta niajlay xtanukocán nac chiqui; Jesús tzúculh camalactítuminiy xtapéksit Dios lácu xlá lacasquín natalatamay. ³ Chunacú xcatachuhui-nama acxní tachilh kalhatati lacchixcuhuín xtapulimimánlh puchexni chatum chixcú huanti nilay xtłahuán porque xlilanca xluntuhuananit. ⁴ Pero cumu nilay xtalakchán antanícu xuí Jesús porque xtzamacán huata tatahuácalh nac xakstín chiqui y tamatakénulh pekstiy teja xmalakatanacs antaní xuí Jesús y antá talacmáctihl puchexni huantu xlacma amá tatlá. ⁵ Acxní caúcxilhli Jesús pi luu xtalipahuán xlacata tlān namatlantiy chiné huánihl tatlá:

—Luu snun clakalhamanán y lata xlihuak mintalakalhín cmatzankenaniyán.

⁶ Pero antá xtalayánalh makapitzín xmakalhta-huakenacán judíos, xlacán chiné tzúculh talacpu-huán: ⁷ “¿Túcu xpalacata chuná likalhchuhuinán eé chixcú? Pus tałalacataquima Dios; porque niți anán tícu tlān matzankenaniñán talakalhín sino xmān Dios.” ⁸ Pero cumu Jesús xcatziy túcu xlacán xtalacpuhuamánlh chiné cahuánihl:

—¿Túcu xpalacata lántamá chuná lilacpuhua-nátit huixinín? ⁹ Pus caquilahuaníhu, ¿xatúcu atzinú nipara tuhua mākantaxticán, pi acxní

nahuaniya chatum tatatlá: “Mintaläkalhín huák cmatzankenaniyán”, osuchi para nahuaniya: “Lalihuán cataqui y catláhuanti”? ¹⁰ Pus lanchú camán camaşıiyuniyán pi aquit Xatalacsacni Chixcú y nachuna litum pi xlicana ckalhiy litlihueke uú nac caquiltamacú y caj quintachuhuín tlán climatzankenaniyán talakalhín.

Y chiné huánilh amá tatatlá:

¹¹ —Huix cuaniyán, cataqui, casacti mimpuchexni y capit nac míñchic.

¹² Amá tatatlá pála suacaj táquilh, sacli xpu-chexni y táxtulh. Lhuhua huantí antá xtayánalh huák taúcxilhli luu xtalipaxuhuamánalh xtacacni-nanimánalh Dios, y chiné xtahuán:

—Necxni a xucxilháhu lata tū ucxilhmáñahu lanchú.

Jesús huaniy castalánih Levi (Mateo 9.9-13; Lucas 5.27-32)

¹³ Acalistán Jesús ampá nac xquiltún pupunú xalac Galilea, antá talákchálh lhuhua cristianos y xlá tzúculh camaikalhchuñuiy. ¹⁴ Acxní aya xquitaspitma úcxilhli xkahuasa Alfeo xuanicán Levi, xlá xuí nac xtanquilhtín chiqui xcamaṭajiy huantí xtalakaxokonuniy gobierno xalac Roma, y chiné huánilh:

—Caquistalani.

Levi lalihuán suacaj táyalh y stalánih.

¹⁵ Acalistán Jesús alh huayán nac xchic Levi xlá catajálh xdiscípulos; antaní camaḥuicálh nā tamílh tahuayán lhuhua xmatajinanín impuestos xahua amakapitzín huantí xtalacpuhuaniy judíos pi maktum xtalaktzankatayanít, y niṭu

xcáliucxilhcán; porque canihuá antaní xlapulay Jesú斯 huá eé lacchixcuhuín huánticu xtastalaniy.

16 Makapitzín xmakalhtahuakenacán judíos xahua fariseos acxni taúcxilhli pi Jesú斯 pütum xcatahuayama amakolh lacchixcuhuín chiné tahuánihl xtamakalhtahuakén:

—Chí la amá mimakalhtahuakenacán, ¿lácu calitahuayama xmatajinanín impuestos xahua maklakalhinanín lacchixcuhuín?

17 Acxni cakalhakáxmatli Jesú斯 huántu xtaqui-lhuamánalh cahuánihl:

—Ni tamaclacasquín doctor huánti ni tatatlay sino huánti tajatatlay. Aquit ni cminít cahuaniy natalakpaliy xlatamatcán huánti tapuhuán lac-tlán cristianos sino huánti maklakalhinanín.

*Jesú斯 kalhasquincán lácu lilakachixcuhuinancán
acxni kalhxteknincán*

(Mateo 9.12-17; Lucas 5.33-39)

18 Maktum quilhtamacú acxni xtamakalhta-huakén Juan xahua xlacán fariseos xtalakachix-cuhiimánalh Dios y xtakalhxtekninit, makapitzín cristianos talákmilh Jesú斯 y chiné takalhásquilh:

—¿Túcu xpalacata huánti camakalhtahuakenit Juan Bautista xahua xtamakalhtahuakencán fariseos ankalhiná takalhxteknín laqui natalakachixcuhiy Dios, chinchú huánti huix camakalhtahuaképat ni takalhxteknín xlacata natalakachixcuhiúnán?

19 Jesú斯 cakálhtilh:

—¿Lacpuhuanátit huixinín pi tlän nata-kalhxteknín huanti cahuanicanit nataán nac aktum pütamakaxtokni lihuán antá cataláhui amá kahuasa huánti tamakaxtokma? Para

cataláhui tamakaxtokni nilay natakalhxteknín o ni natahuayán. ²⁰ Pero nachán quilhtamacú acxní nasputa pupaxcua y amá kahuasa naán mákat əlacatunu cumu la aquit cama okspulay, entonces xlacán taamánalh takalhxteknín mäsqui niți cacalimapéksilh.

²¹ 'Porque huantí takaxmata huantü aquit cli-chuhuinán y quilipahuán chiné quitaxtuy; ni anán cristianos ti nalaktzapay mactum lakuán vestido y nalilaktzapay actzú xasasti lhákát, porque acxní nachekecán amá lhákát, xasasti nataaktumiy y lihuaca naxtita xalakuán y atzinú tlak lanca nataxtita y nichuná la xuanít. ²² Y nachuna litum niți pumajuy xaskata pulque nac xalakuán xmakxuhua borrego, porque xasasti pulque tzucuy catlán y mapankay xmakxuhua borrego, pus caj laktzankay pulque xahua xuhua. Por eso majucán xaskata pulque nac xasasti xmakxuhua borrego.

*Xdiscípulos Jesús taitílhay trigo acxní niți scuja
(Mateo 12.1-8, Lucas 6.1-5)*

²³ Maktum quilhtamacú acxní niți cscuja Jesús xtípuntaxtuma aktum catuhuán antanícu chan-canít trigo, y xdiscípulos tzúcuh taitílhay xta-huácat. ²⁴ Acxní xtatípuntaxtumánalh makapitzín lacchixcuahuín cahuanicán fariseos chiné talihuánilh:

—Amá, ¿túcu xpälacata talijimánalh trigo mintamakalhtahuakén acxní niticu scuja?

²⁵⁻²⁶ Pero Jesús chiné cakálhtilh:

—¿Pi n̄ecxní alikalhtahuakayátit huixinín nac likalhtahuaka pi makán acxni xapuxcu cura xuanít Abiatar, maktum quilhtamacú rey David xcatatzincsníma xcompañeros pus xlá tánulh nac pusiculan y catáhualh xcompañeros xtasiculanatláhu caxtilánchahu huántu ni xlihuatcán xuanít, porque caj xm̄an curajni xlihuatcán xuanít?

²⁷ Jesús chiné cahuanipá:

—Eé quilhtamacú acxni jaxcán calimaxquicanit cristianos laqui nacalimacuaniy, y ni huá calimaxquicanit xlacata caj natalipatinán. ²⁸ Por eso aquit Xatalacsacni Chixcú naccáhuaniy cristianos huántu tlak nacalimacuaniy eé quilhtamacú acxni jaxcán.

3

Jesús mapacsay chatum chixcú ti cscacnikonít xmacán

(Mateo 12.9-14; Lucas 6.6-11)

¹ Maktum quilhtamacú Jesús tanupá nac ak-tum xputamakstoknicán judíos huántu huanicán simagoga, antá xlahui chatum chixcú ti cscacnikonít xmacán. ² Pero makapitzín fariseos luu xtaquiclhcatzaniy Jesús y xlacán xtaskalajmánalh para tícu namatlantiy amá quilhtamacú acxni lihuancán para tícu nascuja, laqui huij nahuán tu nataliyahuay y tlán natamalacapuy. ³ Pero Jesús aya xcatzijy túcu xlacán xtalacapastacmá-nalh y chiné huánilh amá chixcú huánti cscac-konít xmacán:

—Catat y uú calacantaya.

⁴ Y chiné cakalhásquilh x̄amakapitzín huánti xtaquiclhcatzaniy:

—¿Túcu huixinín puhuanátit a^tzinú tl^an tla-huacán eé quilhtamacú acxní líhuancán tíc^u nascuja, pi hu^antu tl^an osuchí hu^antu nítlán? Para ch^arum chixc^u amajá niy, ¿pi tl^an maktaya-nicán xlistacni, osuchí calaktzank^akelh m^asqui nítⁱ camaktáyalh?

⁵ Pero xlacán cacs tatáyalh nítⁱ takalhtínalh. Jesús sítzilh pero xcalaklipuhualacama porque xlacán ni xtaakataksputún pi a^tzinú limacuán nac^amaktayacán cristianos l^ata túcuya quilhtamacú. Chiné huanipá amá chixc^u:

—Castonkti mimacán.

Amá chixc^u stonkli xmacán y tuncán cáxlalh l^ata xmacascacnⁱt. ⁶ Fariseos pála tatáxtulh y tzú-culh talitalacchuhuinán amakolh hu^anti xtatayá-nalh Herodes lác^u natatlahuay laquí natamakniy Jesús.

Lhuhua cristianos tatamakstoka nac xquilhtún pupunú

⁷ Pero Jesús tatampúxtulh catáralh xdiscípulos nac xquilhtún pupunú, lhuhua lacchixcuhuín xalac Galilea tastalánih. ⁸ Acxní catzícalh l^ata xlá xcamatlantiy t^atatlanín y lác^u xtlahuay lac-lanca lícácnⁱt tascújut, lhuhua cristianos talákmilh xalac Judea, xalac Jerusalén, xalac Idumea, chu hu^anti xtalamánanchá aliquilhtuán kalhtuchoko Jordán, chu xalac Tiro y Sidón, támilh takaxmatniy hu^antu xlá nahuán y hu^antu natatlahuay xtascújut.

⁹ Y Jesús cahuánih xtamákalhtahuakén xlacata nalikalhicán aktum barco nac xquilhtún chúchut antaní natajuy para taji natatoklha xlilhuhua cris-tianos. ¹⁰ Porque lhuhua t^atatlanín hu^anti xlá

xcamatlantinit y putum xtalaktalacatzuhuiputún laquí nataquixamay. ¹¹ Y huánti xcakalhiy xespíritu akskuhuiní, acxní xtaucxilha Jesús xlacán xtalakatatzokostay y chiné xtatasay:

—Huix Xkahuasa Dios.

¹² Pero Jesús xcámquihlcacsay laquí ni natahuán tícuya chixcú xuanít.

*Jesús calacsaca kalhacutiy xapóstoles
(Mateo 10.1-4; Lucas 6.12-16)*

¹³ Acalistán Jesús talacacxtutáhui nac aktum kestín y antá catasánih camakéstokli makapitzín lacchixcuhuín huánti xlá xlacasquín, y huánti talákmilh ¹⁴ calílhcalh kalhacutiy huánti luu nacatalatapuliy y naán camascujuy natalichuhuinán lácu Dios lacasquín natalatamay cristianos. ¹⁵ Y xlá camáxquihl limapeksín chu litlihueke laquí tlán natatamacxtuy xespíritu akskuhuiní huánti camakatlajanít. ¹⁶ Huá umaqolh xtacuhuinicán huánti calacsáccalh: Simón huánti xlá limapacúhuilh Pedro; xawa xtala Andrés, ¹⁷ Santiago xahua Juan xcamanán Zebedeo, huánti xlá calimapacúhuilh Boanerges, eé tachuhuín huamputún Xcamán Jili; ¹⁸ Andrés, Felipe, Bartolomé, Mateo chu Tomás; Santiago xkahuasa Alfeo; chu Tadeo; Xahua Simón, eé chixcú xapulh xcata-tapeksiy makapitzín lacchixcuhuín xcáhuanicán cananistas; ¹⁹ xahua Judas Iscariote huánti acalistán macamástalh Quimpuchinacán Jesús.

*Liyahuacán Jesús pi kalhiy xtapuhuán
akskahuini*
(Mateo 12.22-32; Lucas 11.14-23; 12.10)

20 Acalistán Jesús alh catalaktuncuhuiy xdiscípulos nac aktum chiqui antaní xtamatamakxteka, luu lhuhua litum tastokparaca y niaj xtakalhiy quilhtamacú natahuayán. **21** Acxní tacätzilh xlitalakapasni Jesús huantú xtlahuama talákmilh xlacata natalén, porque xuancán pi caj xlakahuitima. **22** Y nachuná xmäkalhtahuakenacán judíos huantí xtaminítanchá nac Jerusalén chiné xtahuán:

—Eé chixcú huá tascujma Beelzebú xapuxcu diablo, y caj xlitlihueke Beelzebú calitamacxtuy xespiritucán akskahuiní.

23 Pero Jesús cahuánilh catalacatzúhuilh y tzúculh calixakatliy aktum takalhchuhuín y chiné cahuánilh:

—¿Lácu huixinín lacpuhuanátit pi huantí tascujma akskahuiní pi tlán talamakasitziy huatiyalitum akskahuiní? **24** Lata tu aquit quilaliyahuayáhu chiné quitaxtuy: para aktum cachiquín pütum cristianos caj tzucuy talamakasitzi-tahuilay y talataratlahuay, amá cachiquín nilay makás catitapálhilh porque cristianos natatakhuanikoy. **25** Y chunalitum para nac aktum chiqui antaní pütum tahuilánalh xlakahuasán chatum chixcú, pero xlacán caj natzucuy talamakasitzi-tahuilay, pus xlacán nilay catitatapálhilh porque pálaj natalatamacxtuy. **26** Pus huá ccálihuaniyán para akskahuiní natatapajpitziy y natatzucuy lalacataquiy sacstucán nilay makás catitatapálhilh sinoque antá natalaksputa.

27 'Nilay makkalhānancán chatum tlihueke chixcú para ni pułh namakatlajacán y nachihuilicán y acxní aya makatlajacanit tlán

tanucán nac xchic y makkalhankocán laṭa tū kalhiy, y nāchuná laṭa ctlahuanit aksahuiní.

²⁸ 'Xlicana ccāhuaniyán pi Dios tlān camatzankēnaniy cristianos huāk xtalākalhincán, y nāchuná para túcu taliquilhán ni lactlán tachuhuín. ²⁹ Pero huānti calāhuá nalikalhkamānán huāntu xlá luu lacatancs catziy pi huā xtascújut Espíritu Santo xlá nilay catimatzankēnanícalh xtalākalhín sinoque canecxnicahuá xlá len xcuénta.

³⁰ Huá chuná calihuánih porque xlacán xtaqui-lhuamánalh pi xlá xkalhiy xespíritu aksahuiní.

*Xtzí Jesús xāhua xnatalán talikalhasquinjinán
(Mateo 12.46-50; Lucas 8.19-21)*

³¹ Y nā acxnitiyá tachilh xtzí Jesús xāhua xnatalán, pero xlacán quilhtín tatáyalh y caj tamātsanínalh. ³² Y huānti antá acxtum xtatahuilánalh antaní xlá xuí Jesús chiné tahuánih:

—Taputzamán mintzí xāhua militalakapasni, antá tayañanchá quilhtín.

³³ Pero xlá chiné cāhuánih:

—¿Tícu quintzí, y tícu quinatalán?

³⁴ Y pütum calacaucxilhkoh huānti antá xtahui-lánalh, chiné chuhuinampá:

—Huá umākolh quintzí xāhua quinatalán.

³⁵ Porque laṭa tícu yā cristiano huānti tatlahuay xtapaxuhuán Dios huá tamākolh quintzí xāhua quinatalán.

4

*Xatakalhchuhuín chātum chananá
(Mateo 13.1-9; Lucas 8.4-8)*

¹ Jesús tzucupá cámakalhchuhuiniy cristianos nac xquiltún pupún y luu lhuhua tastókcalh antaní xlá xuí. Pus huá Jesús litájulh nac aktum barco huántu antá xuí nac xquiltún chúchut, xlá antá culucs táhui y pútum cristianos tatáhui nac xquiltún chúchut. ² Xlá tzúcullh cálímakalhchuhuiniy cristianos caj la lactzu cuento láqui huák nataakatáksa huántu xcáhuaniy, chiné cátachuhuínalh:

³ —Luu caakatákstít huántu naccálíxakatliyán: Maktum quilhtamacú xuí cháatum chananá xlá alh chan xatalhtzi xlichánat. ⁴ Y acxní expuyutilhay xtalhtzi xlichánat makapitzi tamachá nac tiji, taminchá lactzu spitu y tasacuaquikolh. ⁵ Huántu tamachá xlichánat nac cächihuixni antanícu ni lhuhua xkalhiy tíyat pálaj pulhl. ⁶ Pero acxní táxtulh chichiní na pálaj scäcli porque ni pülmán xtamatzankenit xtankaxekcán. ⁷ Lhuhua xlichánat tatamachá nac cálhtucunín y ni makás quilhtamacú amá tachanán lakpunkolh, pero ałzinú lhtucún pálaj staclí, aklhtulumíkolh y ni máxquilh quilhtamacú nastaca. ⁸ Pero makapitzín xlichánat tatamachá nac xatlán tíyat y luu tlán tástaclí lactzu lichánat y lhuhua tamástalh xtahuacatcán. Huí tu mástalh puxamacáhu xtalhtzi caj akatum, y huí tu mástalh tutumpuxám, y makapitzi aktum ciento.

⁹ Entonces xlá chiné cahuánilh:

—Huánti takalhiy xtakencán catakáxmatli quintachuhuín y cataakátaksli.

Jesús huán túcu xlacata calihuán caj la actzu cuento

(Mateo 13.10-17; Lucas 8.9-10)

10 Acxní c̄ata sacstucán tatamákxtekli Jesús xahua xdiscípulos y makapitzín huantí ankalhiná xcatalatlahuán xlacán talaktalacatzúhuilh y takalhásquilh túcu xuamputún amá takalhchuhuín.

11 Jesús chiné cahuánilh:

—Xlic̄ana, huixinín Dios c̄amākataksniputunán lácu xlá lacasquín catalatámālh cristianos huantí natapeksiniy, pero huá laṭa xlimakapitzín cristianos māsqui ccātamālacaſtucniy huantú xlacán talakapasa nipara chuná catitalacpútzalh laṭa nataakataksa. **12** Y chuná māsqui lhuhua huantú cataúcxilhli tu aquit ccātlahuay, natamatamakxteka caj lámpara nitú taúcxilhli; māsqui caquintakalhakáxmatli huantú cchuhuinama nitucu catitaakátaksli. Y para ni natacānajlay laṭa lácu Dios calixakatliy xtalakalhamanín xlá nilay caticamatzankenánilh xtalakalhincán.

Jesús malacaputuncuhuiy xatakalhchuhuín chananá

(Mateo 13.18-23; Lucas 8.11-15)

13 Y Jesús cahuanipá huantí takalhásquilh:

—Para huixinín nj akataksátit eé xatakalhchu-huín chananá huantú nipara tuhua, q̄pi lihuacá chú naakataksátit xamakapitzí takalhchuhuín huantú nacticahuaniyancú acalistán? **14** Amá chixcú huantí alh chan xlíchánat xtachuná quítaxtuy huantí liakchuhuínán xtachuhuín Dios. **15** Amá tachanán huantú tatamächá nac tiji talitaxtuy cumú la cristianos huantí takaxmata xtachuhuín Dios, pero minächá akskuhuiní y matakenukoy amá tachuhuín

huántu xchancanit nac xnacujcán. ¹⁶ Amá lichánat huantu tatamachá nac cachihuixni nachuná talítaxtuy cristianos acxní takaxmata xtachuhuín Dios, luu talakatiy y talipahuán Dios. ¹⁷ Pero cumu ni pulhmán xkalhiy xtankáké ní tayánilh acxní para túcu caliokspulay osuchí caliaksancán pi talipahuán Dios o caliputzastälacán, xlacán talipuhuán y talimakxtektayay. ¹⁸ Amá lichánat huántu tatamachá nac calhtucunín, nachuná talítaxtuy cristianos huánti takaxmata xtachuhuín Dios, ¹⁹ pero cumu tlán cxlatamatcán atzinú taliakatiyún xtumincán y lata túcu talakatiy, chuná taliaklhtulumiy xtacanajlatcán y ni camaxquiy quilhtamacú natamastay xtahuacatcán. ²⁰ Amá lichánat huántu tatamachá nac xatlán tíyat y tamástalh xtahuacatcán talítaxtuy cristianos huánti takaxmata xtachuhuín Dios, tacanajlay, talipahuán y talaktzaksay taliscuja nac xlatamatcán, chuná tamastay xtahuacatcán: huintú tamastay puxamacáhu y huintú tamastay tutumpuxam osu aktum ciento caj lata chatunu cristianos.

*Xatakalhchuhuín aktum lámpara
(Lucas 8.16-18)*

²¹ Y Jesús cahuanipá:

—¿Lácu huixinín catziyátit, pi huánti kalhiy aktum lámpara pi caj la namapasiy natamacnuý nac xtampín xpútama? ¿Osuchí naliakpulonxuiliy aktum cajón? Pus huánti kalhiy aktum lámpara huata huiliy talhmán laquí mákat namaskoy. ²² Nachuná nílay túcu tzék tlahuacán para ni juerza natasiyuy lakasiyuý, y huántu caj tzék

licatzicán para ni cälakuán natamakxteka. Para áktum quintachuhuín nilay akataksátit namín quilhtamacú acxni huák naakataksátit. ²³ Huá xpàlacata ccalihuaniyán, para huixinín kalhiyátit mintakencán caakatákstít quintachuhuín.

²⁴ Jesús cahuanipá:

—Lihuana caakatákstít huantü kaxpatpátit porque chuná la lacasquinátit xatláhualh cristianos milacatacán nachuná la lamaktayayátit, pus nachuná Dios cälikalhímán huixinín huantü kaxpatpátit xtachuhuín. ²⁵ Pus huantü laktzaksay akataksa amá xatlán talacapastacni huantü kalhiy atzinú namaxquicancú; pero huantü ni laktzaksaputún akataksa huantü kalhiy xlá namaklhtikocán hasta masqui caj xmanhuá huantü kalhiy.

Xatakalhchuhuín lichánat njima sacstu staca

²⁶ Jesús chiné cahuanipá:

—Xtapéksít Dios nā chiné quítaxtuy cumu la chatum chixcú t̄i án chán xtalhtzi xlichánat nac xpucuxtu. ²⁷ Acalistán xlá án nac xchic laqui najaxa y nalhtatay. Makás quilhtamacú nalacatzalay y amá lichánat lakpún, pulha, pero xlá ni catziy lácu stacma porque huá tíyat māstacama. ²⁸ Amá lichánat lakpún, pulha, taxtuniy xtankáxék, staca, xanay y acalistán māstay xtahuácat. Pero eé tachanán huák ctíyat tíyah huantü listacli osu lilatamay. ²⁹ Pero acxni lakchán xquilhtamacú lata catlanít huata án íy xtahuácat xtachanán.

Xatakalhchuhuín lichánat nicumá pálaj staca

(Mateo 13.31-32; Lucas 13.18-19)

³⁰ Jesús huampá:

—¿Lácu lacpuhuanátit ámaj tzucuy xtapéksit Dios uú nac cäquiltamacú? Osuchí ¿túcuya takalhchuhuín tlán tamá lacxtumiyáhu? ³¹ Xtalchuná ámaj tzucuy cumu lą xtalhtzi mostaza acxní chancán nac tíyat. Eé lichánat huá atzinú tlak lactzú xatalhtzi quihui nícumá lacapálaj staca y lanca quihui huan. ³² Pero acxní chancán xlá tzucuy staca y luu tälhmán huan; y nítetu makalakchán, y hasta luu laclhdmán xmakxpinín taxtuniy, pus hasta lactzu spitu tlán tatluhauay antá xmasekecán nac xakán y catuhuaj lactzu spún antá tajaxa.

*Jesús ankálhín lichuhuinán caj la cuento
(Mateo 13.34-35)*

³³ Y Jesús ankálhín xcalimakalhchuhuiniy cristianos caj lą cuento nac xtakalhchuhuín laqui huák nataakataksa huantü xcahuaniputún. ³⁴ Xlá nitü xcalitachuhuinán para ni juerza nacatamá lacxtuminiy huantü xlacán xtalakapasa; y para xdiscípulos ni huák xtaakataksa acalistán xlá xcamalactuminiy huantü xcahuaniputún.

*Jesús macacsay un xahua takeyahuaná
(Mateo 8.23-27; Lucas 8.22-25)*

³⁵ Amá quilhtamacú acxní aya tzísualh chiné cahuánilh xdiscípulos:

—Caáhu aliquilhtutu pupunú.

³⁶ Pero lhuhua cristianos tatamákxtekli nac xquilhtún chúchut, xtamák alhtahuakén tatájulh nac barco antaní xtajuma Jesús huantü aya xlikalhkalhímácalh. Makapitzí barcos ná tastalánilh antaní xama Jesús. ³⁷⁻³⁸ Xlá alh nac xtankén barco

y tíyah aktum acxtícat y antá támālh laquí nahl-tatay. Pero caj lipuntzú takétalh palha un, tzúculh tākeyahuay pupunú, tajukolh chúchut nac barco aactzú ni tatzámalh. Entonces xdiscípulos táalh tamalakahuaniy y chiné tahuánilh:

—Mákalhtahuakená, cataqui. ¿Lácu pi ni min-cuenta huix xlacata amanáhu muxtuyáhu?

³⁹ Jesú斯 táquih, limapéksih catácacsli un y chiné huánilh pupunú:

—¡Cacs catahuila y niaj catakeyahua!

Amá un xahua pupunú cacs tatahuilakolh y catziyancsuanankolh. ⁴⁰ Jesú斯 chiné cahuánilh xtamakalhtahuakén:

—¿Túcu xpápacata mārí lipecuanátit? ¿Nícu chū álh milicamacacán, chinchú huanátit pi quilalipahanáhu?

⁴¹ Pero xlacán caj cacs xtalacahuankonit porque luu lān xcāmakeklhanít huantü xtlahuanít Jesú斯 y xmān huá tlān chiné xtalahuaniy sacstucán:

—¿Tícu cahuá eé chixcú huantü tālapulayáhu, pus hasta camapeksi y un xahua pupunú y xlacán takalhakaxmata?

5

Chatum chixcú xalac Gadara xmakatlajanít xtalacapastaci aksahuini

(Mateo 8.28-34; Lucas 8.26-39)

¹ Ni xlimakas táchalh nac aktum cachiquín huanicán Gadara aliquidtu pupunú. ² Lá tacutli Jesú斯 nac barco lákmilh chatum chixcú huantü xakchipanikonit xtalacapastaci aksahuini. ³ Amá chixcú xlá xcatasapulay nac capúsantu y luu lixcájnit xlicatziy nití lay xmakatlajay

xlacata nachihuilicán. ⁴ Maklhuhua tzaksácalh lilacchícalh cadena nac xtantún xahua cxmacán pero xlacputxa y niitu xcaliucxilha. ⁵ Tantacú tantascaca xtasatapuliy nac cakestinín xahua capúsantu, y sacstu xlimatakehuicán chíhuix. ⁶ Makatcú xmima Jesús acxni úcxilhli, tokosún lákmilh y acxní chálh nícu xuí lakatatzokóstalh. ⁷⁻⁸ Pero Jesús limapéksilh:

—Huix xespíritu akskahuiní, camactaxtu tamá chixcú.

Läta xek tásalh chiné kálhtílh:

—Jesús Xkahuasa Dios xala talhmán, ¿túcu xpalacata quilalipektanuyáhu? Lanca litlán ccasquiniyán ni naquilamapatiniyáhu.

⁹ Jesús kalhásquilh:

—¿Túcu huanicana?

Amá xespíritu akskahuiní chiné kalhtínalh:

—Clitapacuhuiyáhu Legión porque quilhuhuacán huánti cmactanumanáhu eé chixcú.

¹⁰ Luu lanca litlán tasquínihl Jesús xlacata ni nacamacán alacatunu pülataman. ¹¹ Y antá lacatzú nac kestín xtalapulay max cumu aktiy milh paxni, ¹² acxní taúcxilhli amakolh xespíritu akskahuiní luu lanca litlán tasquínihl Jesús y chiné tahuánihl:

—Caquilamaxquíhu quilhtamacú nactanuyáhu nac amakolh paxni talayánalh tanú lacatzú.

¹³ Jesús camáxquilh quilhtamacú, y amakolh xespíritu akskahuiní antá tamactánulh. Pero amakolh paxni tzúcuh takosnún, táalh nac ak-tum talhpán, tatajuchá nac chúchut y antá tajicsuakolh.

14 Amakolh huantı xtamaktakalhmánalh paxni acxnı taúcxilhli lácu taníkolh paxni, tapecuáxnılh, takosún tatzálalh y canihuá nac tiji chu nac cachiquín talichuhuínalh huantı xcəokspulanit, y lhúhua cristianos támilh taucxilha huantı xlanit.
15 Acxnı tachilh antaní xyá Jesús, taúcxilhli amá chixcú huantı xapulh xkalhiy xespíritu aksahuiní, antá xlá culucs xuí y niaj xkalhiy lìxcájnit xtalacapastacni. Pero xlacán xtapecuaniy.
16 Makapitzín cristianos huantı xtaucxilhnit amá chixcú acxnı tamactáxtulh xespíritu akskahuiní y acxnı taníkolh amá paxni antaní tatánulh, tzúculth talichuhuinán. **17** Pero acxnı tlán taaká-taksli huantı xtlahuanit Jesús tzúculth tahuaniy xlacata catlähualh lìtlán catatampúxtulh nac xac-chiquincán. **18** Acxnı Jesús tájulh nac barco, amá chixcú huantı xapulh xkalhiy xtalacapas-tacni akskahuiní chiné huánilh:

—Catlahua lìtlán, quimaxqui quilhtamacú nac-stalaniyán.

19 Pero Jesús ni tlán tlahuánilh huantı xmaksquima huata chiné huánilh:

—Cacälakpi militalakapasni nac míñchic, caca-limäkalhchuhuini lácu Dios lakalhamanitán y mapacsanitán.

20 Amá chixcú alh, xlá tzúculth lìchuhuinán lácu Dios xmaktayanit, y huantı xtagáxmata luu xtacacniy Jesús caj xpälacata xtascújut huantı xlá xcatlahuay, canihuá xlìchuhuinancán Jesús antá nac amá akcáhu cachiquín xcəhuanicán Decápolis.

*Chatum puscat xamaniy clhákat Jesús y pacsa
(Mateo 9.18-26; Lucas 8.40-56)*

²¹ Acxni Jesús quításpitli alíquiltu pupunú y tacutli cbarco lhuhua cristianos tatamacxtúmilh nac xquiltún chúchut antanícu xlá xlaya, y antá xlá tzúculh camakalhchuhuiniy. ²² Caj lipuntzú chilh chatum xapuxcu mapeksiná xalac xpúsiculancán judíos xuanicán Jairo. Acxni úcxilhli Jesús alh lakatzokostay, ²³ y chiné huánih:

—Quintzumat luu snun tatatlay y amajá niy, catlahua litlán caquintapi nac quínchic laquí huix naliacchipaya mimacán, namapacsaya y lipaxúhu nalatamay.

²⁴ Pus Jesús táalh pero luu xtzamacán nac tiji hasta xlalakxquititilhacán. ²⁵ Y nac xlakstipán cristianos xmakmima chatum puscat huantí aya xkalhiy akcuytiy cäta lata xtatatlay cstajmakama kaljni y neçxni cxuncniy antaní xtakahuiñit. ²⁶ Y lhuhua doctores xtacuchinít pero caj län xtamatpatininit porque nitucu xtatlahuaninit, caj län xtamaklhtinít xtumín huantú xlá xkalhiy y lihuaca xtasnuníma. ²⁷⁻²⁸ Huá xpälacata acxni káxmatli lata xlíchuhuinancán Jesús xlá chiné lacpúhua: “Huatiyá para xacquixamánih tzinú clhákat eé quintajátat ámaj pacsa.” Cumu luu xtzamacán xlá lakasiyu laktalakatzúhuilh y tzek xamánih clhákat Jesús. ²⁹ Tuncán tachókolh xkaljni y maklhacátzilh pi aya xpacsnit. ³⁰ Pero Jesús cátzilh pi xlitlihueke huantú xkalhiy xmacni xlipacsnit chatum. Xlá talakáspitli, tzúculh laca-putzanán antaní xtayánalh cristianos, y chiné kalhasquinínalh:

—¿Tícu xámalh quilhákat?

31 Xdiscípulos takálhtilh:

—Huix ucxílhpát pi lhuhua tzamacán y catihuá quitoklhmán, todavía kalhasquininana: “¿Tícu xámalh quilhákət?”

32 Pero Jesús lacaxtum xlacaputzanama xlacata nalacamaclay tícu cxamaninit clhákət y xmapacsanit. **33** Amá puscat xcatziy pi huá xmapacsanit por eso tzúculh lipecuán, clhpipima talacatzúhuilh antaní xyá Jesús, talakatatzokóstalh nac xlacatín, huánilh pi huá cxamaninit clhákət y xmapacsanit. **34** Jesús huánilh:

—Huix pacsnita porque canajlanita pi aquit tlan nacmapacsayán, lipaxúhu capit nac míñchic porque lanchú aya pacsnit mintajáyat.

35 Jesús chunacú xchuhuinama acxní tachilh makapitzín cristianos xlacán taminchá nac xchic Jairo. Chiné tahuánilh xtlat amá tzumat:

—Puntzujcú nilh mintzumat, huata məsqui niaj catapi makalhtahuakená Jesús.

36 Pero Jesús ni litakatzánkelh huantü xlacán xtaquilhuamánalh y chiné huánilh Jairo:

—Huix chunacú caquiliipáhuanti y ni capécuanti.

37 Ni lacásquillh putum natatalaniy sino caj xman Pedro, Santiago xahua Juan xtəSantiago.

38 Acxní táchalh nac xchic Jairo, úcxilhli pi lhuhua xtzacmacán y huak xtasamakócalh y xtalipuhuamánalh. **39** Jesús tánulh nac chiqui y cahuánilh:

—¿Tícu xpalacata litasapátit y lipuhuampátit? Pus tamá tzumat caj lhtatama, ni xanín cumu la huixinín lacpuhuanátit.

40 Y huata caj tzúculh talilitziyán xtachuhuín. Jesús cahuánilh xlacata putum catatáxtulh, caj

xmān xtzí xahua xtlat amá tzumat y huanti xcata-minít cata-tánulh antaní xmá amá tzumat. ⁴¹ Jesú斯 macachípalh amá tzumat y huánilh:

—Talita cumi —umá tachuhuín huamputún: Huix cuanimán, tzumat, cataqui.

⁴² Y amá tzumat cajcu xakcuyt cäta xuanit, tuncán táquih y xlá tzúculh tlahuán. Y huanti xtaucxilhmánalh cristianos tzúculh tapaxuhuay.

⁴³ Acalistán Jesú斯 calimapéksilh xnatlatni xla-cata ni natalichuhuinán la malacastacuánilh xtzumátcán y na cahuánilh catamáhuilh.

6

Jesú斯 an camakalchuhuiniy xtachiqui nac Nazaret

(Mateo 13.53-58; Lucas 4.16-30)

¹ Acalistán Jesú斯 tatampuxtupá y cäta-alh xdiscípulos nac xcächiquín antaní xlá cstacnít.

² Maktum quilhtamacú acxní huák judíos xtajaxa, Jesú斯 tánulh nac xpusiculancán y tzúculh cama-siyuniy cristianos xtapéksit Dios. Huanti xtakaxmata caj cacs xtalilacahuán xtachuhuín porque ni xtaakataksa nícu xtiyanit talacapastacni. Makapitzi chiné tzúculh talahuaniy:

—¿Nícu cahuá catzínihl pütum amá lanca talacapastacni huantü catziy eé chixcú? ¿Tícu máx-quihl liskalala y lácu kálhílh litlihueke nalitlahuay laclanca tascújut huantü catlahuay? ³ Pus huá eé carpintero xkahuasa María, y xlitalakapasni Santiago chu José xahua Judas chu Simón, y xlitalakapasni lactzumaján na ccalakapasáhu y antá na uú tahuilánalh.

Antá nac xcachiquín chuná xtalacpuhuaniy por eso lhuhua t̄i n̄i tacanajlánih huant̄u xlá xlíchuhuinama.⁴ Jesúس cahuánih:

—Pütum cristianos talipahuán chatum chixcú xlacata nacaqchuhuinaniy para xala alacatunu cachiquín, pero antá xalac xcachiquín huant̄i xtachiqui y xlitalakapasni n̄i talipahuán huant̄u lichuhuinán.

⁵ Jesúś nilay calimalacahuánih lanca tascújut porque xnatachiquín n̄i xtacanajlaniy, caj xman chästiy caacuúlilh xmacán y cämäpacasánilh xtajatatlán. ⁶ Jesúś luu snun lakapútzalh y lipúhua porque xlacán n̄i xtacanajlaniputún. Huata alh alacatunu lactz̄u cachiquín xlacata antá naliakchuhuinán xtachuhuín Dios.

*Jesúś camälakachay xdiscípulos nataán tali-
akchuhuinán*

(Mateo 10.5-15; Lucas 9.1-6)

⁷ Maktum quilhtamacú cämäkéstokli kalhacuti y xdiscípulos, cahuánih xlacata nataán lichätiyún natamaakpuntumiy xtachuhuín Dios, cämäxquilh litlihueke xlacata tlān natamacxtuy xespíritu akskahuiní. ⁸ Y calimapéksilh xlacata nit̄u natalén xalac xtijicán huant̄u nacalimacuaniy cumu la mûrralh, osuchí caxtilánchahu, osu tumín huant̄u natalihuayán. ⁹ Cahuánih xlacata tlān natalén xtatununcán pero xman huant̄u xtatatuñunit, xahua clhakatcán caj huant̄u xtalhakanit, y kantumá xlíxtokcán. ¹⁰ Chiné cahuánih:

—Acxni huixinín natanuyapítit nac aktum cachiquín, caputzátit aktum chiqui, antá

natahuilayátit hasta acxni napimparayátit alacatunu cächiquín. ¹¹ Para nac aktum cächiquín niatlán nacatlahuacanátit y ni natakaxmatputun huantú huixinín lichuhuinampátit, lajihuán cataxtútít y cxlacatincán cacatantutincxcántit pokxni huantú antá calactahuacán laqui xlacán natacatziy pi huixinín ni lakatiyátit huantú xlacán xkasatcán.

¹² Amakolh discípulos tatácacxli y táalh nac lactzú cächiquinín, tzúculh tamakalhchuhuiniy cristianos xlacata natalakpaliy lixcájnit xtalaca-pastacnicán huantú xtakalhiy. ¹³ Lhuhua tata-tlanín tamapácsalh caj aceite xtalitlahuay, na tama-cxtulh xespíritu akskahuiní.

*Juan Bautista maknicán
(Mateo 14.1-12; Lucas 9.7-9)*

¹⁴ Acxni rey Herodes cátzilh lata xlichuhui-nancán xtascújut Jesús porque canihuá xtalaka-puntumíma xtachuhuín, chiné huá:

—Huá tamá chixcú, Juan Bautista, lacasta-cuánalh nac calinín, por eso tlán litlaluay laclanca tascújut y kalhiy litlihueke.

¹⁵ Makapitzín cristianos chiné xtahuán:

—Tamá chixcú máx huá profeta Elías, osu tzanká tícuya profeta huantí xtaliakchuhuinán Dios makán quilhtamacú.

¹⁶ Pero acxní káxmatli eé rey Herodes, chiné xlá xuan:

—Tamá chixcú luu lacatancs pi huá Juan Bau-tista huantí aquit cmápxcactinínalh xakxaka y lanchú xlá aya lacastacuananit calinín.

17-18 Porque chiné titaxtunit acxni māmakníní-nalh rey Herodes. Maktum quilhtamacú Juan Bautista huánilh rey Herodes.

—Nitlán lantamá lápat, ni militatahuílat xpuscat mintalá.

Pus huá xlacata rey Herodes limatamacnuní-nalh cpulachin y limapeksínalh calichihuilícalh cadena, porque nitlán tlahuall acxni lihuánilh xlacata xtahui xpuscat xtaFelipe.

19 Y nachuná amá puscat xuanicán Herodías ni xucxilhputún Juan porque xcalihuaninit laṭa xtahui xyastá, ankalhíná xlacputzama lácu natlahuay tlán namakniy, pero nilay xmaclay lácu natlahuay. **20** Xahuachí Herodes xcatziy pi Juan Bautista luu tlán cristiano xuanit y xcatziy pi Dios xmacaminít, acatunu hasta xlakatiy xkamatniy xtachuhuín māsqui ni huak xakataksa. Por eso xlipecuaniy tzinú, ni xmaxquiy quilhtamacú Herodías para túcu natlahuaniy. **21** Pero maktum quilhtamacú Herodías máclalh lácu natlahuay namakniy Juan porque rey Herodes catlahuánilh aktum pāxcua pūtum huantí xanapuxcún mapeksinanín y xcomandantes xahua huantí luu lactalipahu lacchixcuhuín antá xalac Galilea. **22** Y amá xtzumat Herodías caj lipuntzú tánylh antaní xpāxcuajnamácalh, xlá tzúculh tantliy y pūtum ti antá xtahuilánalh talakátílh la tántlílh. Rey Herodes chiné huánilh amá tzumat:

—Huix caquisquini huantú aṭzinú lakatiya y aquit nacmaxquiyán. **23** Māsqui luu lhuhua tíyat xquisquini huantú aquit cmapeksiy xacmaxquín, huánilh.

Xlihuak huantí antá xtahuilánalh takáxmatli acxní chuná huá pí namaxquiy latachá túcu naspiniuy.

²⁴ Amá tzumat pálaj táxtulh y kalhásquilh xtzí:

—¿Túcu cahuá xacsquínih quintútlat, pus huan pí lata túcu nacsquiniy xlá naquimaxquiy?

Xtzí chiné huánilh:

—Casquini xakxaka Juan Bautista.

²⁵ Lalihuán tánílh amá tzumat antaní xuí rey y chiné huánilh:

—Clacasquín lanchuj tuncán quimpumaxqui pektum pulatu xakxaka Juan Bautista.

²⁶ Herodes cacs lacáhua y lipúhua tzinú, pero nilay lácu nahuán para ni catimáxquilh huantú xmaksquima porque aya xlitayaninit, xáhuachí putum xtaputza xtakaxmatnít. ²⁷ Xlá mālaká-chalh chatum tropa xlacata tuncán naliminiy xakxaka Juan. Amá tropa alh nac pulachin, pixcátilh xakxaka Juan, pulímilh pulatu cumu la xlimapeksicanít y alh máxquiy rey Herodes. ²⁸ Xlá macamáxquilh amá tzumat, y amá tzumat macamáxquilh xtzí. ²⁹ Acxní xlacán tacátzilh huantí luu xtastalanipulay Juan y xtakaxmatniy xtachuhuín xlacán táalh tatiyay xtiyatlıhua laquí natamácnuy.

Jesús camahuiy lihuaca akquitzis milh cristianos

(Mateo 14.13-21; Lucas 9.10-17; Juan 6.1-14)

³⁰ Acalistán ni limakas, xapóstoles Jesús taquitáspitli y tzúcülh talitákálchuhuínán lata túcu xlacán xtatlahuanít y lata xtamákalchuhuíninit cristianos. ³¹ Acalistán Jesús cahuánilh:

—Catátit caáhu jaxáhu antanícu tlak cätzek laquí nití naquinçakaxculiyán.

Porque niajlay akatziyanca xtahuayán pus lhuhua xtamín taucxilha Jesús. ³² Jesús c̄atatájulh xdiscípulos nac aktum barco y táalh antanícu nīti lama cristianos. ³³ Pero lhuhua cristianos taúcxilhli acxnī tâcaxli barco y talakápasli tícu antá xtatajumánalh, y canihua xalanín tuncán tacátzilh nícu xchâma y pulh huá tâchalh nīa xtachán Jesús. ³⁴ Acxnī tacutli Jesús nac barco úcxilhli pī lhuhua cristianos xtahuilánalh cumu lā xaaktzankán borregos huantí nīti cacuentajlay; Jesús calakalhámálh y lhuhua huantu tzúculh calimakalhchuhuiniy. ³⁵ Acxnī tzúculh cāsmalankán xtamakalhtahuakén talákmilh antaní xlá xuí y chiné tahuánilh:

—Aya amajá tzisuán y nac umá pulatamán catziyanca, nīti huilakócalh. ³⁶ Cacahuani tamakolh cristianos catáalh nac lactzú cachiquín osu nac xchiccán huantí tapulahuilánalh lacatzú y antá catatamáhualh caxtilánchahu huantu natahuay porque nītu talimín tū natahuay.

³⁷ Pero Jesús c̄akálhtilh:

—Mejor huixinín cacamahuítit.

Xlacán chiné takalhtínalh:

—Pero ¿nícu chú nactiyayáhu lhuhua tumín laquí naclitamahuayáhu caxtilánchahu laquí naccamahuiyáhu?

³⁸ Jesús c̄akalhásquilh:

—¿Nícu maclit caxtilánchahu kalhiyátit huixinín? Caquijucxílhtit.

Acxnī taquijucxilhkolh tahuánilh:

—Huí macquitzis caxtilánchahu xahua tantiy squiti.

39 Jesú斯 cahuánilh cristianos pütunu pütunu catatáhui nac cäseketni. **40** Pus tatáhui pütunu para akatunu ciento, makapitzín itatni ciento cristianos. **41** Jesú斯 cächípalh amá macquitzis caxtilánchahu xahua tantiy squiti, lácálh talhmán nac akapún, paxcatatzínih Dios amá tahuá. Acalistán lakchékelh amá caxtilánchahu y camáx-quílh xdiscípulos laqui natamäakpitziniy pütum ti antá xtahuilánalh, nachuna litum camäakpítzilh amá tantiy squiti. **42** Putum län tahuáyalh y tákasli. **43** Acalistán xdiscípulos tamamacxtumipá pacutiy canasta caxtilánchahu chu xatalakcheke squiti huantü ni tahuakolh amá cristianos. **44** Caj xman lacchixcuhuín max cumu akquitzis milh tahuáyalh, tunuj cuenta lacchaján xahua lactzu camán.

*Jesú斯 tlahuán nac xkalhni chúchut
(Mateo 14.22-27; Juan 6.16-21)*

45 Acalistán Jesú斯 cahuánilh xdiscípulos catajulh nac barco laquí nataán aliquilhtütu chúchut nac aktum cachiquíln huanicán Betsaida; y Jesú斯 acalistán xámaj cälakchán porque xcähunima cristianos xlacata na cataalhá nac xchiccán. **46** Acxni taankolh pütum cristianos, Jesú斯 talacacxtutáhui nac aktum kestín laqui nakalhtahuanikiy Dios. **47** Acxni chú län tzísualh amá barco xanachitá nac xkeítat pupunú y Jesú斯 sacstu xtamakxteknit nac xquilhtún. **48** Xlá úcxilhli pi xta-taklhuhuimánalh porque niajlay xtamatlahuaniy barco porque un ni antá xpekama antaní xlacán xtaamánalh. Y luu aya cxkakatihilay acxni Jesú斯

calaktalacatzúhuilh nac xbarcojcán xlá xkalhtlahuama chúchut, aya xámaj cätiakapulay. ⁴⁹ Acxni taúcxihilh xdiscípulos xlacán xtalacpuhuamánalh pi máx caj nín xtaucxilmánalh, tzúcuh taquihán. ⁵⁰ Pero Jesús caxakátlilh chiné cähuánilh:

—¡Cakalhítit huixinín licamama, ni capecuántit; porque aquit huantí ccalakamachán Jesús!

⁵¹ Acalistán cälaktájulh nac barco y tuncán tachókolh un; xdiscípulos Jesús cacs xtalaca-huanit ni xtacatziy túcu natalacpuhuán ⁵² porque ni xtaakataksnit amá lanca tascújut níma xcämasiyuninit, y mäsqui aya xtaucxilparanit xtascújut acxni cämáhuilh caxtilánchezahu, xnacujcán nilay xtaakataksa lácu luu natalipahuán.

*Jesús cämapacsay tatatlanín xalac Genesaret
(Mateo 14.34-36)*

⁵³ Y acxni tapatácutkolh amá pupunú xalac Galilea táchalh nac aktum cachiquín huanicán Genesaret, y antá tachíhuilh xbarcojcán. ⁵⁴ Y acxni tatácutli, lhúhua cristianos talakápasli Jesús y tuncán talákmilh. ⁵⁵ Putum tatatlanín ti antá xtalamánalh caliminka antaní xchuhuinama Jesús laquí nacämapacsay; ⁵⁶ y nachuná ctiji, osu nac cätuhuán, osu nac cachiquín antaní xlacán xtalacpuhuán pi antá natítaxtuy Jesús. Makapitzín cristianos xtasquiniy litlán xlacata cacamáxquilh quilhtamacú catabamánilh clhákát, y lhúhua tatatlanín huak cämäpacsalh.

7

*Lä lacasquín Dios nacacninanicán
(Mateo 15.1-20)*

¹ Maktum quilhtamacú talaktalacatzúhuilh Jesús makapitzi fariseos xahua xmäkalhtahuakenacán judíos xlacán xtaminítanchá nac Jerusalén. ² Cumu aya xtaskalajmánalh xlacata natamaclaniy huantú nataliyahuay taúcxihilh xlacata makapitzín xdiscípulos acxní xtahuayán ni xtamakachakán cumu la xtalismaninít judíos xtalicacninaníy Dios, huá xlacata tzucúcalh caliaksancán. ³ Amakolh fariseos xahua pütum judíos xtalismaninít tatlahuay laṭa tū lactzú lactzú xtalihuilánalh xapulh xlitalakapasnicán. Acxní xlacán xtahuayán pułh lən natamacatahuacay chúchut caj lámpara calimacasiculanatlahuacán laquí mat xtalakachixcuhuiy Dios. ⁴ Y acxní xtaquitamahuanankoy nac plaza ni catitahuáyalh para ni pułh nalimakachakán tzinú chúchut. Nächuná para xvasocán osu cxalujcán, o laṭa túcu xtamaclacasquín nac xcusinajcán, hasta xpütamacán huak lən xtachekekemakaníy x cuenta xala caquilhtamacú. ⁵ Amakolh fariseos xahua xmäkalhtahuakenacán judíos talákmilh Jesús y takalhásquilh:

—Chí amakolh mintamakalhtahuakén, ¿túcu xpälacata ni talitlahuay huantú minitanchá xtsamanincán quilitalakapasnicán? Xlacán ni tamakachakán.

⁶ Jesús chiné cakálhtilh:

—Xlicana tū tíhua profeta Isaías, chiné tzóknulh acxní xlá aya xucxiłlacacháma laṭa tū huixinín minkasatcán, porque xlá chiné tíhua:
Umakolh cristianos caj luu xman xquilihnicán tali-chuhuinán acxní tahuán pi mat quintalipa-huán y quintalakachixcuhuiy,

pero huata antá nac xnacujcán luu túnuj talaca-pastacni tahuilinjít,
y chuná chú quintalimálakamakatliniy.

⁷ Pus luu lacatancs pi nítu límacuán mäsqui xquintalakachixcúhuilh,
porque xlihuák huántu xlacán talimapeksinán
catatláhualh cristianos huák huá caj xtasmaníncán lacchixcuhuín y ní huá huántu
aquit ccalimapeksinit.

⁸ Porque huixinín makxtektayayátit xtapéksít Dios
xlacata stalaniyátit xtasmaníncán lacchixcuhuín
y tzucuyátit calakcheképiyátit mivasucán, chú
mixalujcán xahua lata túcu maclacasquinátit
mimpukotnicán, y lata túcua huixinín tlahuayátit.

⁹ Na cahuánilh:

—Lata tlahuayátit mintasmaníncán acatunu
hasta nítu xtapalh límaxtuyátit xtapéksít Dios.

¹⁰ Makán quilhtamacú Moisés chiné mälacpuhuánilh Dios catzóknih xlímapeksín: “Capaxqui y calakalhámanti mintlat chū mintzí. Para chatum cristiano natalalacataquiy xtlat osuchí xtzí y para calahuá nahuaniy, tamá cristiano luu mininiy pi maktum canilh.” ¹¹ Pero chinchú huixinín kalthum mälulokátit pi ní tlahuay talakalhín acxni camaclacasquimán mintlatcán o lacasquín nacamktayayátit y huixinín chiné nacahuaniyátit: “Lanchú nilay ccamaktayayán mäsqui xaccamaktayaputún porque xlihuák huántu ckalhij actzú, huák huá cmälacnuninit Dios xlacata naclilakachixcuhiy y huá chú nacmaxquiy.” ¹² Acxni chuná huixinín huanátit luu lacatancs huamputunátit pi niaj necxni catimaktayayátit mintlatcán osuchí mintzicán. ¹³ Pus chuná huixinín nítu

xtapalh tlahuayátit xtapéksit Dios huantú huán lą nalatapayátit caj xpälacata lismaninitátit tlahuayátit makapitzi talacapastacni huantú ministanchá xtasmanín militalakapasnicán. Ną lhuhua lata tu xtachuná nítlan tapuhuán kalhiyátit.

¹⁴ Lanchuná cahuanikolh catasánih putum cristianos xlacata actzú tu xcahuaniputún, chiné cahuánilh:

—Lihuana cakaxpátit y caakatákstít huantú camán calitachuhuinanán. ¹⁵ Huixinín catziyátit huantú huay chatum chixcú án hasta nac xpulacni y ni maklakalhiy xlistacni, huantú maklakalhiy xlistacni huantú minächá nac xpulacni xnacú. ¹⁶ Para huixinín kalhiyátit mintakencán, tancs cakaxpáttit huantú militlahuacán.

¹⁷ Jesús caakxtekyáhualh putum cristiano y catatánulh xdiscípulos nac xchic; acxní amakolh discípulos takalhásquilh túcu xuaniputún amá takalhchuhuín. ¹⁸ Jesús chiné cahuánilh:

—¿Lácu pi ni akataksátit huixinín huantú cahuaniputunán? Ni catziyátit xlacata huantú huay chatum chixcú nilay catimaxcajuálilh xlistacni, ¹⁹ porque ni antá chan nac xnacú sino tajuyächá nac xpaluhua y acalistán makamparay.

Xlá xuamputún xlacata latachá túcuya tahuá huak tlən huacán y ni catimaxcajuálilh xlatamat chatum cristiano. ²⁰ Y chiné cahuanipá:

—Pero maxcajualiy xlistacni chatum cristiano huantú minächá xtapuhuán nac xnacú. ²¹ Porque antá minächá nac xpulacni xnacú chatum cristiano ni lacuán tapuhuán, antá lacpuhuán lą nala-kamaklhtiy xpuscat xtachixcú, lą naxakatliy túnuj

puscat o chixcú, ²² la namaknínán, la nakalhanán, la naaksanínán, la nalakatzán catuhuá tu ni xlá, la naləquichcatzaniy, la naləmákasitziy, y catuhuá tu ni lacuán tapuhuán. ²³ Huak eé tapuhuán minächá nac xnacú y maxcajualiy xlistacni nac xlacatín Dios.

*Chatum puscät xala mákat canajlaniy xtachuhuín Jesús
(Mateo 15.21-28)*

²⁴ Jesús alh latapuliy lacatzú nac cachiquín huanicán Tiro y Sidón, y tánulh nac aktum chiqui antanícu natamakxteka. Ní xlacasquín tícu nacatziy pi antá xuí pero nílay tátzekli ²⁵⁻²⁶ porque chatum puscät ni antá xalac Israel xuanit xlá xchuhuinán griego xalacachín xuanit nac Sirofenicia luu mákat cachiquín. Xlá xuí chatum xtzumat huantí xmakatlajaninit xtalacapastacni xespíritu akskahuiní. Xlá cátzilh pi antá xuí Jesús, acxni lákchilh lakatzokóstalh nac xlacatín, huánlh xlacata camapácsalh y catamacxtúnílh xespíritu akskahuiní huantu xkalhiy xtzumat. ²⁷ Pero Jesús chiné kálhtilh:

—Cacamáxqui quilhtamacú pulh caccamaktáy alh xcamán Dios uú xalac Israel, porque nítlán camaklhticán xtahuajcán camán xlacata nacamaxquicán chichín huantí ni natapaxcatcatziniy.

²⁸ Pero amá puscät akátaxsli tu xuaniputún y chiné kálhtilh:

—Quimpuchiná, xlicana xlá la huana, pero hasta lactzú chichín níma tatahuilay nac xtampín mesa tasacuaquiy huantu ni tahuakoy xtahuajcán camán.

²⁹ Jesús chiné huánlh:

—Luu clakátilh la chuhuínanti, tlən lipaxúhu napina cmínchic porque amá xespíritu aksahuiní aya makxteknit mintzumat.

³⁰ Amá puscát pálaj alh nac xchic y acxní chalh xlícaña mānókhulh xtzumat niaj xkalhiy xespíritu aksahuiní, lacastalanca xuanit y clhtatama nac xputama.

Jesús matlantiy chatum chixcú koko y akatapa

³¹ Jesú tacaxpá nac Tiro alh lakatzalay cxapulataman Sidón, huak cälakatzálalh makapitzi lactzu cächiquín huantü xtapeksiy nac Decápolis y chuná chalh nac xapupunú Galilea. ³² Antá liminícalh chatum chixcú koko y akatapa xuanit. Makapitzi cristianos tahuánih Jesú xlacata catláhualh litlán calitankapixámalh xmacán laqui napacsa y tlən nakaxmata. ³³ Jesú lacatunu táalh amá chixcú antanícu ni luu lhuhua xtalayánalh cristianos laqui nití nacäucxilha. Antá akamánuh lactzu xmacán nac xtakén, acalistán chujli y huilínih xchújut nac csimákət. ³⁴ Lácalh nac akapún, jalhpánih y chiné huánih:

—¡Efata! —umá tachuhuín huamputún: ¡Catakáxmatli mintakén!

³⁵ Tuncán takáxmatli xtakén amá chixcú xahua csimákət cáxlalh y tlən tzúcülh chuhuínán.

³⁶ La tachá tícu xmapacsay Jesú xcáhuaniy xlacata ni natalichuhuínán, pero acxní chuná xcáhuaniy, atzinú xlacán xtzucuy talichuhuínán. ³⁷ Xlihuak t̄i xtacatzinít huantü xcätlahuanit Jesú cacs xtalacahuán y chiné xtahuán:

—Catuhuá huák tlán cátlahuay y hasta masqui kóko huák tlán cámachuhuiniy y akatapa camaakatlantiy.

8

*Jesús camahuiy aktati milh cristianos
(Mateo 15.32-39)*

¹ Maktum quilhtamacú luu lhuhua xtamatamakstokniت cristianos xlacán ni xtalimín huantu natahuay. Jesús catasánlh xtamakalhtahuakén y cahuánlh:

² —Luu ccälakalhamán eé cristianos porque aya tuxamatá lata quintatalapulay y xlacán niت talimín huantu natalihuayán. ³ Nipara lay ccahuaniy cataalhá nac xchiccán, para ni tahuayan-taquinit natalakahuitayay nac tiji porque makapitzín mákat ni taminitanchá.

⁴ Xdiscípulos takálhtílh:

—Pero, ¿lácu chú natluhuayáhu nacamahuiyáhu pütum eé cristianos antanícu niت lamakolh cristianos?

⁵ Jesúc cäkalhásquilh:

—Chinchú huixinín, ¿nícu maclit caxtilánchahu litanátit?

Xlacán takalhtínalh:

—Mactujún.

⁶ Cämápeksilh xlacata pütum cristianos catatáhui nac cätiyatni, Jesús tíyalh amá mactujún caxtilánchahu, paxcatatzínlh Dios xtahuá, acalistán lakchékelh y cámáxquilh xtamakalhtahuakén, xlacán tamaakpitzínlh pütum cristianos. ⁷ Y nachuná xtakalhiy tancstiy squiti, Jesús ná cäsiculanatláhualh y camaakpitzinícalh

putum cristianos. ⁸ Huãk tahuáyalh y lan tákasli, acalistán tamatzamapá pátujún canasta xatalakcheketamán caxtilánchahu huantú ni tahuakolh amakolh cristianos. ⁹ Huantí tahuáyalh máx cumu aktati mílh cristianos. Acalistán Jesúz cahuánilh xlacata cataalhá nac xchiccán. ¹⁰ Y catatájulh xdiscípulos nac aktum barco y táalh nac aktum cachiquíñ huanicán Dalmanuta.

Fariseos taucxilhputún aktum licácnit xtascújut Jesúz

(Mateo 16.1-4; Lucas 12.54-56)

¹¹ Maktum quilhtamacú talákmilh antaní xlaya Jesúz makapitzi Fariseos y tzúculh tatalahuaníy, acalistán tahuánilh xlacata catláhuall aktum lanca licácnit tascújut huantú xlacán natalilaca-huánán para xlícaná Dios xmacaminít. ¹² Jesúz luu makás jalhpánilh lipuhua y chiné cakálhtilh:

—¿Túcu xlacata huixinín lisquinátit aktum licácnit tascújut huantú caj nalilakastanánatit? Xlicana ccahuaniyán pi nitú cacticatlahuánin huantú huixinín lacasquinátit y ni camininiyán naucxilhátit.

¹³ Entonces Jesúz cakxtekyáhuall y catatájulh xdiscípulos nac barco, táalh aliqueilhtu pupunú.

Xtayatcán fariseos caj la levadura

(Mateo 16.5-12)

¹⁴ Xdiscípulos Jesúz xtapatzankanít natalén huantú natahuay y caj xmán mactum caxtilánchahu xtalén. ¹⁵ Jesúz caj xamaktum chiné cahuánilh:

—Cuentaj catlahuátit xlacata ni nacámapasiyán xlevadurajcán fariseos xahua xlevadura rey Herodes.

¹⁶ Amäkolh discípulos ni taakátaxsli huántu xlá xlíchuhuinama, xlacán tzúculh talahuaniy:

—Max huá chuná quincalihuanimán cumu nítu límináhu caxtilánchahu huántu nahuayáhu.

¹⁷ Jesús cátzilh huántu xlacán xtaquilhuamá-nalh y chiné cahuánilh:

—¿Túcu xlacata lantamá líhuanátit pi nítu litanátit caxtilánchahu huántu nahuayátit? ¿Luu xlicana nilay akataksátit huántu aquit ccamasiyuniputunán? ¿Xlicana minacujcán chunacú nilay canajlay huántu aquit tlán ccatalahuay? ¹⁸ Mäsqi kalhiyátit milakastapucán lámpara nítu lilaca-huánanátit; mäsqi kalhiyátit mintakencán lámpara nítu likaxpatátit. ¿Lácu pi niaj pastacátit huántu aquit ctlahuanit? ¹⁹ Acxní ccámáhuilh acquitzis milh cristianos caj macquitzis caxtilán-chahu xkalhiyátit ¿y nícu palit canasta mastóktit huántu xlacán ni tahuakolh?

Xlacán takalhtínalh:

—Pacuti y canasta.

²⁰ —Y chinchú acxní ccámáhuilh aktati milh cristianos huixinín xlitanátit caj mactujún caxti-lánchahu, ¿nícu palit canasta mastóktit huántu ni tahuakolh huánti tahuáyalh?

Xlacán takalhtinampá:

—Pátujuén canasta.

²¹ Jesús cahuánilh:

—¿Y hasta ninaj akataksátit xlacata pi tunu tu ccálimasiyuniputunán xatakalhchuhuín leva-dura?

Jesús mapacsay chatum lakatzín nac Betsaida

²² Ni xlimakas táchalh nac aktum cächiquín huanicán Betsaida; acxní tacutli Jesús nac barco líminicalh chatum lakatzín tasquínih lítlan xlacata canacaj caxámalh y camatlántilh. ²³ Pus Jesús lelh amá lakatzín nac xquihapán cächiquín, antá lilacatláhuall xchújut nac xlakastapu y kalhásquilh para tlán tzinú lacahuánan. ²⁴ Amá lakatzín lacahuánalh tzinú y chiné huánilh:

—Ccäucxilha lacchixcuhuín cumu la akatum quihi, ahuatá cumu tatlahuán.

²⁵ Jesús huilipá xmacán nac xlakastapu amá chixcú, caj puntzú cacs táyalh y aya tancs talacatlántilh porque luu tlán lacahuánalh. ²⁶ Jesús huánilh caalhá nac xhic y chiné limapéksilh:

—Huata ninaj capit nac xpuítat cächiquín, y niti calitachuhuínanti lácu huix talacatlantinita.

Pedro huán pi Jesús huá Cristo huanti xminit calakmactuy

(Mateo 16.13-20; Lucas 9.18-21)

²⁷ Acalistán Jesús catáalh xdiscípulos nac lactzú pulataman xcämapeksiy Cesarea de Felipo, y acxní xtalatíhay nac tiji tzúcuh cäkalhputzay y cahuánilh:

—¿Tícuya chixcú quintalimacán aquit acxní quintalichuhuínán cristianos?

²⁸ Xlacán takálhtilh:

—Huintí huán pi mat huix Juan Bautista, y huintí huán pi mat huix profeta Elías mat lacastacuánanti nac cälinín y tamparanita nac cäquilhamacú, y makapitzín cristianos tahuán pi mat huix

tzanká tícuya profeta huánti xtalamánalh xapulh caqUILhtamacú.

²⁹ Jesús cakalhásquilh:

—Chinchú huixinín, ¿tícuya chixcú quilaLIMAX-tuyáhu aquit?

Pedro luu tancs kálhtilh:

—Huix Cristo huánti macaminít Dios xlacata naquincalakmáxtuyán.

³⁰ Acxní chuná kákmatli Jesús huántu xlá xuaninit Pedro, cahuánilh xlacata nití natalitachuhuínán huántu xlacán xtacatziy.

³¹ Entonces acalistán tzúculth calitachuhuínán lácu lān ámaj patiy y chiné cahuánilh:

—Aquit Xatalacsacni Chixcú taamánalh quintalakmakán lakkolún mapeksinanín xahua xanapuxcun cura, chu fariseos, xahua xmäkalhtahuakenacán judíos porque ni talakatiy huántu cmaisiuy. Acalistán taamánalh quintamakniy, pero xliaktutu quilhtamacú aquit cámaj lacastacuanán nac calinín.

³² Xlá luu lacatancs cahuánilh huántu xamaj okspulay; entonces Pedro leh tzinú lakamákat y tzúculth lihuaniy túcu xlacata chuná xlíchuhui-nama. ³³ Jesús huitek talákspitli, lácalh pekán antaní xtahuilánalh xamakapitzín xdiscípulos y chiné huánilh Pedro:

—Catlahua litlán, huix akskahuiní, catatampuxtu antaní cyá porque huix ni lacapastacnana cumu lā Dios sino cumu lā talacapastacnán lacchixcuhuín uú xalac caqUILhtamacú.

³⁴ Acalistán catasánilh xdiscípulos xahua xlihuák cristianos huánti antá xtalayánalh y chiné cahuánilh:

—Para tícu luu quilipahuán y quistalaniputún capatzánkálh laṭa tū xkásat, caquistálánih māsqui calipatínalh caj quimpalacata y camacamástalh xlatámat. ³⁵ Porque huantí luu maklihuán para namakatzankay xlatámat ámaj makatzankay tū lakcatzán, pero huantí namalaktzankey xlatámat caj quimpalacata, osu caj xpalacata nalichuhuinán xtachuhuín Dios, xlá ámaj lakmaxtuy nac xlacatín Dios. ³⁶ Porque, ¿túcu limacuaniy chātum chixcú para lān xkálhilh laṭa túcu anán nac caquiltamacú y para antá nac xlacatín Dios ámaj malaktzankey xlatámat? ³⁷ Porque, ¿nícu chulá cahuá tlān cxokóxtulh xlatámat chātum chixcú xlacata ní napatinán? ³⁸ Y nachuna litúm para tícu lā huixinín naquili máxanán osuchí nali máxanán quintachuhuín nac xlacatiincán amākolh cristianos huantí nītlān xtapuhuancán uú xalac caquiltamacú, pus aquit Xatalacsacni Chixcú nā naclimáxanán acxní nacmímparay amaktum y naccatamín ángeles xlacata xlihuak putum cristianos nataucxilha lācu kalhiy xlitlihueke xtapéksít Dios.

9

¹ Jesús chiné cahuanipá:

—Xlicāna ccāhuaniyán pi makapitzín cristianos uú tayánalh hasta niā taniy nahuán acxní nataucxilha lā natzucuy lay xtapéksít Dios nac caquiltamacú y lācu lanca litlihueke nali mímin.

*Maktum quilhtamacú Jesús tatanuja lā xtasiyyu
(Mateo 17.1-13; Lucas 9.28-36)*

² Litzimá quilhtamacú Jesús alh nac aktum lanca kestín y caj xm̄anhuá cátáalh Pedro, Santiago xahua Juan; acxní aya xtachanit, nac xlacatincán, Jesús tzúcuh tatanuja niaj chuná la ankalhín xtasiyuy. ³ Lata clhákət luu snapapa huankolh y luu slipua, nīticu anán cristiano m̄asqui luu lān chakanán xlacata namalakchāný la xl̄isnapapa amá clhákət huantü taúcxihli xtamäkalhtahuakén Jesús. ⁴ Caj xamaktum taúcxihli profeta Elías, chu profeta Moisés xtatachuhuínamánlh Jesús. ⁵ Pedro chiné huánilh Jesús:

—Mäkalhtahuakená, huata max xalihuaca tlan antiyá uú xtamakxtekui, para huix chuná lacasquina uctlahuayáhu aktutu lactzu chiqui, aktum milá, aktum xlá Moisés xahua aktum xlá Elías.

⁶ Amäkolh xtamäkalhtahuakén Jesús xtapecuaxnínit, y Pedro caj niaj xcatziy túcu xquihuama. ⁷ Caj lipuntzú taúcxihli la takétalh puclhni nac xlakstipancán, cäakmilikolh, y takáxmatli xtatachuhuín Dios minchá nac akapún:

—Huá eé Quinkahuasa huantü luu cpaxquiy, xm̄anhuá cakaxpatnítit y catlahuátit huantü xlá calimapeksiyán.

⁸ Acxní xlacán talacampá, tzúcuh talacaputzanán, niaj tu xtalayánlh amäkolh profetas huantü xtatachuhuínamánlh, huata cäta caj sacstu xlaya Jesús.

⁹ Acalistán acxní aya xtaquitaspitmäna xtatalakalhumánanchi nac kestín Jesús cahuánilh xkallhatutucán xlacata nīti catalitachuhuínalh huantü xtaucxilhnít hasta acxní xlá Xatalacsacni Chixcú

nalacastacuanán calinín. **10** Y xlacán nítu tali-chuhuínalh lata tū xtaucxilhnít, huata caj tzúculh talakalhasquín túcu cahuá xuamputún, o lácu cahuá tamá lacastacuanancán calinín. **11** Y chiné takalhásquilh Jesús:

—¿Túcu xlacata xmäkalhtahuakenacán judíos talihuán pi pulh ámaj min cäquiltamacú Elías y acalistán namín Cristo?

12-13 Jesús chiné cakálhtilh:

—Xlicána tū tahuán, ni caj talihuán, porque Elías pulh ámaj min, xlá ámaj caxtlahuay xtiji. Pero aquit xlicána ccahuaniyán pi Elías aya quilachi nac cäquiltamacú pero lhuhua cristianos ni talakápasli, xlá pátílh lata túcu tlahuaniputúncalh chuná la xtatzoknit nac xtachuhuín Dios xlacata huantu xámaj paxtoka. Pero chū aquit na ccakalhasquinán: ¿Túcu huan nac xtachuhuín Dios ámaj quimpaxtoka aquit Xatalacsacni Chixcú? ¿Lácu pi ni catziyátit lata lácu huan cámaj pätinán y lhuhua cristianos taamánalh quintalakmakán?

Jesús mapacsay chatum kahuasa ti kalhiy xespíritu akskahuini

(Mateo 17.14-21; Lucas 9.37-43)

14 Acxni tatáspitli antaní xtahuilánalh xamakapitzín xtamäkalhtahuakén taúcxilhli pi lhuhua cristianos xtamatamakstoknít xahua xmäkalhtahuakenacán judíos xlacán xtatalalitamakspitmánalh y xtatalahuanimánalh. **15** Pero makapitzín cristianos acxni taúcxilhli Jesús luu lan tapaxúhualh, tokosún táalh tapaxtoka laqui natatachuhuinán.

16 Jesús chiné cäkalhásquilh:

—¿Túcu xlichuhuinampátit?

17 Chatum hunti ant lacatz xlaya chin klhtilh:

—Mkalhtahuaken, clmn quinkahuasa xl akchipaniknxtalacapstacni xespritu aksahuin y hasta niajlay chuhuinn. **18** Pus lta ncu xl lapulay namlakahuitiy y taramiyach nac ctiyatni; tzucuy kalhpupuy y tzucuy llacxcay xtatzn, caj hua xlacata aya lscactamakankoy. Aya cahunilh midiscipulos catatamacxtnilh, pero nilay tamatlntilh.

19 Jess chin cahunilh:

—Koxutann huixinn cristianos hunti ni canajlaputuntit quintachuhun. ¿Hasta nincoccxni camn ticatalatamayn y camn catapatiyn xlacata nilay quilalipahuanhu?

Y chin hua:

—Calittit tam kahuasa.

20 Liminica am kahuasa antan xy Jess. Y am xespritu aksahuin acxn úcxihli Jess malakahutilh, tamach nac ctiyatni, tzúcuhli tapiliy y kalhpupuy. **21** Jess kalhsquih xtlat am kahuasa:

—¿Pi maks chun l ee lay?

Xatlt kalhtnalh:

—Hasta acxn actzuc xuanit. **22** Y maklhhuat tam xespritu aksahuin tlakapuy nac lcuyat osuchi nac chchut xlacata maknputn. Hua xlacata clihuaniyn, para tln matlntiya pus caqui-llakalhamhu y caquilmaktayhu.

23 Jess chin klhtilh:

—Aquit tln cmpacsay, pero xman tzankniyn pi huix nacanajlaya, porque lta tcu canajlay chun lay lta lcu lacpuhun.

24 Xtlat amá kahuasa kalhtinalh:

—Ccənajlay pero caquimaktaya laquí tlak nac-lipahuanán.

25 Acxní úcxilhli Jesús pí luu lhuhua tzúculh tata-makstoka cristianos, huánlh amá aksahuiní:

—Aquit clímapeksiyán, camákxtecti tamá kahuasa y niaj neçxni camactanu porque huix makókená.

26 Amá xespíritu aksahuiní matásilh y mala-kahuitipá amá kahuasa pero mactáxtulh, amá kahuasa cumu la xanín xmá; lhuhua cristianos huantí antá xtalayánalh taquilhtzúculh pí xanín.

27 Pero Jesús macachípalh y lakasiyu máquih, amá kahuasa táyalh.

28 Acalistán Jesús alh nac chiqui antaní xtata-makxteka y antá xtamákalhtahuakén takalhás-quilh:

—¿Túcu xlacata la amá aquinín nilay ctlakax-túhu amá xespíritu aksahuiní?

29 Jesús cákálhtilh:

—Porque tamá xespíritu aksahuiní xmanhuá litlakaxtucán para huixinín luu xlicana lipahua-nátit Dios, ankalhiná kalhtahuakaniyátit y kalh-xtekninátit.

*Jesús lichuhuinamparay pi amácalh maknicán
(Mateo 17.22-23; Lucas 9.43-45)*

30 Acxní aya catáalh xdiscípulos alacatuñ tati-puntáxtulh antaní xmapeksiy Galilea, pero niñí tatachókolh porque ni xlacasquín tícu nacatziy para antá xlá xlactlahuama. **31** Porque xlá lhuhua tu xcalitachuhuinamputún xdiscípulos nac tiji. Y calitakalhchuhuínalh xlacata pi xlá Xatalacsacni

Chixcú xamacá macamastacán nac xmacancan lacchixcuhuín huantí nī xtaucxilhputún, xlacán xtaamánalh tamakný pero caj xliaktutu quilhtamacú xlá xamapaj lacastacuanán calinín.³² Ama-kolh xdiscípulos nī xtaakatäksa lácu luu xama quítaxtuy pero cumu juerza xtamaxananí niaj tu xtakalhasquín.

*Tícuya chixcú atzinú tlak talipahu
(Mateo 18.1-5; Lucas 9.46-48)*

³³ Acxní táchalh nac Capernaum tatánulh nac chiqui nícu natamakxteka, y cakalhásquilh Jesús:
—¿Túcu xlalimäaklhuhuitlhayátit nac tiji?

³⁴ Xlacán nī takalhtinalh porque nac tiji xtalichuhuinantílhay xatícu cahuá xtamäkalhtahuakén Jesús luu atzinú xlipahuán.

³⁵ Pero cumu Jesús huák xcatziy túcu xlacán xtalichuhuinanít nac tiji, acalistán culucs táhui y catasánih kalhacuti y xtamäkalhtahuakén, chiné cahuánih:

—Para xatícu huixinín atzinú tlak xatalipahu huamputún pus xlá atzinú tlak xaahuatá stalama naquitaxtuy xlacata nacalimacuaniy xamakapitzín o cumu la chatum tasacua ti caj namapek-sicán y latachá túcuya tascújut natamatlahuiy.

³⁶ Acalistán tasánih chatum actzu kahuasa huanti antá lacatzú xlama, ítat cayahuánih, chexli, y chiné cahuánih:

³⁷ —Huantí nī nalakmakán chatum actzu kahuasa la eé y napaxqui y caj xpalacata catziy pi aquit cpaxqui y pus cliucxilha la aquit quimpaxqui ma, nachuná huantí aquit

quimpaxquiy na quitaxtuy la huatiyá Dios paxquima huantí quimacaminít.

*Huantí ni quincalakmakanán quincapaxquiyán
(Mateo 10.42; Lucas 9.49-50)*

³⁸ Caj lipuntzú Juan chiné huánilh Jesús:

—Mákalhtahuakená, cucxilhui chatum chixcú huantí caj mintacuhuiní xliquilhán y xcamatlantiy huantí xtakalhiy xespíritu akskahuiní, pero cumu ni acxtum quincatalapulayán pus clihuánihu xlacata niaj t̄i camapácsalh.

³⁹ Jesús huánilh:

—Ni xtilihuanítit porque ni para chatum chixcú tlān catitláhualh laclanca xtascújut Dios nac quimpaláxkoko para acalistán calahuá naquilichuhuinán. ⁴⁰ Porque para lāta tícuya cristiano ni quincalakmakanán pus huata lakatiy huantú liscujmānáhu. ⁴¹ Porque xlicana ccahuaniyán pi para tícuya cristiano nacatasquihuayán canacaj pekstum mákot chúchut xlacata catziy pi aquit quilalacscujnimānáhu, mima quilhtamacú acxní xlá namaklhtínán xtaskáhu.

Huantí matlahuiy talākálhín xamakapitzí ámaj xokonún

(Mateo 18.6-9; Lucas 17.1-2)

⁴² Para chatum cristiano akastacyahuay xlacata catláhualh talākálhín y caquintalilaktzankatáyah chatum actzú camán huantí aya tzucunit qulipahuán, lihuán niā tlahuay, atzinú tlān xuá pulh xpixchinúcalh aktum chíhuix y xmacanca nac pupunú laquí antá xjícsualh. ⁴³ Xlicana ccahuaniyán para mimacán matlahuiyán talākálhín mejor cacacti y camákanti, porque atzinú tlān

nachipina nac akapún makaputu y ni tlán para kalhiya makatiy mimacán y napina cpupatín,
 44 cālhcuyatni antanícu nēcxní laksputa tapatín.
 45 Para mintantún lenán xlacata natlahuaya tala-kalhín mejor catantucaqtícantí porque atzinú tlán nachipina nac akapún tantulhtúlu nixachuná para acchán kalhiya tantutiy mintantún y nama-capincana nac pupatín 46 antanícu nēcxní mixa lhcuyat y ankalhíná patinámpat nahuán. 47 Para milakastapu matlahuiyán talakalhín, mejor cata-macxtu porque atzinú tlán nachipina nac akapún lakatu lakaxoko, y ni tlán para acchán lakatiy milakastapu y caj xpalacata huá huix napina cpupatín 48 nac cālhcuyatni antanícu nēcxni mixa lhcuyat y mintapatín necxni catiláksputli.

49 'Porque xlihuák cristianos amácalh caliucxilhcán nac lhcuyat para xlicána takalhiy mátzat. 50 Pus xlicána, mátzat luu snún tlán, pero mátzat para cspútnih xliskoko, ¿túcu nalimáskokenamparaya? Ankalhíná huixinín nac milatamátcán cakalhítit mátzat, niti catalasitzinítit y calapaxquítit limacxtum chátum achatum mintacristianoscán.

10

Jesús lichuhuinán para tícu makxteka xpuscat osu xtakolú

(Mateo 19.1-12; Lucas 16.18)

¹ Jesús tacaxpá nac Capernaum chálh nac Judea y catílaktáxtulh huanti xtalamáñalh nac aliquilhtuán kalhtuchoko Jordán. Lhuhua cristianos tama-kstokli antaní xuí Jesús, xlá tzúcuhl cámakalh-chuhuiniy chuná cumu la xlá xlismaninit tla-

huay. ² Caj xamaktum támilh makapitzín fariseos xlacata natakalhputzay para túcu xlá ni tancs nahuán. Y takalhásquih xlacata para kalhiy derecho chatum chixcú namakxteka xpuscat. ³ Jesús chiné cákálhtílh:

—¿Túcuya tapéksit camaxquín Moisés?

⁴ Xlacán chiné takalhtínalh:

—Moisés limapeksinalh xlacata chatum chixcú tlán namakxteka xpuscat pero natälacaxlay nac pumapeksín y namaxquiy mactum xalacaxlán cápsnat.

⁵ Jesús cahunipá:

—Moisés mástalh tamá tapéksit porque huixinín snun lanit minacujcán. ⁶ Pero acxní Dios malacatzúquih lata túcu anankoy nac cäquilhtamacú pus xlá tláhuahl chatum chixcú y chatum puscat.

⁷ Por eso huá xlacata chatum kahuasa acxní natamakaxtoka tlán akxtekmakán xtlat chu xtzí laqui xlá natatalakxtumi y xpuscat. ⁸ Y amá kahuasa chu tzumat huanti xchatiycán xtahuanit, chú luu chatumá natalitaxtuy. ⁹ Pus huá xpalacata ccalihuaniyán pi nipara chatum cristiano mininiy namapajpitziy huantü Dios malacastucnít.

¹⁰ Acxní cäta chuhuinankolh amá fariseos, Jesús tánulh nac chiqui antaní xlacan xtamatamakxteka, y xdiscípulos takalhásquih túcu xuaniputún amá takalhchuhuín. ¹¹ Jesús cahuánilh:

—Para túcu namakxteka xpuscat caj xlacata natatamakaxtoka túnuj puscat luu lhuhua talaka-lhín kalhiy xlacatín Dios xahua xlacatín xapulh xmahuiná. ¹² Nachunalitum huanti makxteka xtakolú xlacata natáan tunuj chixcú amá puscat

kalhiy lhuhua talákalhín xlacatín Dios xahua xlacatín xapulh xtakólu.

*Jesús casiculanatlahuay lactzu camán
(Mateo 19.13-15; Lucas 18.15-17)*

¹³ Acalistán liminícalh Jesú lactzu camán laqui nacásiculanatlahuay, pero xtamákalhtahuakén tzúculh talacaquilhnij huantí xtalimimánalh.
¹⁴⁻¹⁵ Pero acxní cajúcxilhli Jesú huantú xtatlahuamána casitzínih tzinú y chiné cahuánilh:

—Luu xlicana catlahuátit litlán ni cacalihuánítit tamákolh lactzu camán xlacata naquintalakmín antanícu aquit cui, porque xlicana pi caj xmánuá huantí kalhiy xtalacapastaci cumula actzu kahuasa xlá luu lakchán pi namakamaklhtinán huantú Dios camaxquiputunán y tlán natatanuyachá nac xtapéksit.

¹⁶ Y acalistán cáchexli amá lactzu camán y casiculanatláhuah.

*Chatum kahuasa rico tachuhuinán Jesú
(Mateo 19.16-30; Lucas 18.18-30)*

¹⁷ Acxní Jesú aya xama ałacatunu y xtlahuamajá, tokosún lákmilh chatum kahuasa, lakata-tzokóstalh nac xlacatín y chiné huánilh:

—Mákalhtahuakená, xlicana huix luu tlán catziya, ¿túcu quilítláhuat ląquí tlán nackalhiy amá latámat nac akapún huantú neçxnicú laksputa?

¹⁸ Jesú kálhtílh:

—¿Túcu xlacata quilihuaniya pi aquit luu tlán ccatziy? Porque uú niñicu anán huantí xlicana tlán huata caj xmáñ chatum y huá Dios. ¹⁹ Huix catziya

la huí kampacáhu xlimapeksín Dios huantü mas-tanít Moisés: “Ni caxakatli túnuj puscát para huí mimpuscat; ni camakni mintacristiano; ni camak-kalhánanti mintacristiano; ni caasksahui min-tacristiano; neçxnicú timaxtuniya taksanín min-tacristiano; cacamaxqui cácnit mintzí xahua min-tlat.”

20 Amá kahuasa chiné kálhtilh:

—Quimpuchiná, hasta lata tlak actzucú xacuanít ctzucunít mākantaxtiy huantü huanípat.

21 Jesús huanipá:

—Pero huí akampatum huantü tzankaniyán militláhuat: castát lata tu kalhiya y cacamapaj-pitzini laklimaxkenín mintumín, acalistán caqui-lakta y caquistalani; chuná xlícaná luu lhuhua mintapaxuhuán pímpat límástoka cumu lā min-tumín nac akapún.

22 Acxní káxmatli amá tachuhuín huantü huá-nilh Jesús amá kahuasa chalipuhuana alh porque luu rico xuanít.

23 Jesús calaklácálh antaní xtayánalh xtama-kalhtahuakén y chiné cahuanílh:

—Xlicana ccahuaniyán pi luu tuhua ámaj caqui-taxtuniy lacrrico xlacata natamakamlhtinán xtapéksit Dios.

24 Amäkolh xtamakalhtahuakén ni xtaakataksnit huantü xcahuáninit y cacs xtalilacahuán, pero Jesús cahuanipá:

—Huixinín quincamanán, aquit ccahuaniyán xlacata pi luu tuhua nacaquitaxtuniy amäkolh cristianos huantü talipahuán xtumincán y catuhuá talilactlahuayáhuay xtalacapastacnicán xlacata

tlan natamakamaklhtinán xtapéksit Dios. ²⁵ Y huata ni xatuhua xtánulh tantum camello nac xtzan kantum litzápan que huata rico natatanuy nac xtapéksit Dios y nachán nac xpaxtún.

²⁶ Acxni xtamakalhtahuakén takaxmatkoh, cacs talacáhuay tzúculh talákalhasquín:

—Pus para chuná, ¿tícu chinchú luu nalakmaxtuy xlistacni nac akapún?

²⁷ Jesús cakalhakáxmatli y cahuánilh:

—Para caj sacstu chatum chixcú luu lacpuhuán xlacata tlan nalakmaxtuy xlistacni, xlá niy túcu tamatlantiy; pero Dios huák tlan matlantiy lata túcu lacpuhuán, niy tuhua xpamacata.

²⁸ Entonces Pedro chiné huánilh:

—Quimpuchinacán, aquinín cakxtekma-kanítáhu lata túcu xackalhiyáhu xlacata ccastalaninitán, ¿tícu chinchú amán quincalakchánán?

²⁹ Jesús cakáltilh:

—Xlicana ccáhuaniyán, para tícu cristiano naakxtekmakán lata túcu kalhiy, para xchic o xnatlatni, o xpuscat xahua xcamán, osuchí xparcela caj xlacata naquistalaniy osuchí caj xlacata namákalhchuhuiyi cristianos laqui tlan nacamatzenanij Dios xtalakalhincán, ³⁰ aquit ccáhuaniyán xlacata amá chixcú luu lhuhua chiqui amaj kalhiy lata nícu nachán, lhuhua cumu la xnatalán, cumu la xnatlatni, osuchí cumu la xcamanán, o cumu la xparcela, luu xlicana lhuhua amaj maclay, y masqui luu lan caliaksanca y caliputzastalaca caj quimpalacata; porque xlacán amákolh cristianos taamánalh tamaklhtinán lanca tapaxuhuán

huantu necxni laksputa nac akapún. ³¹ Y amá quilhtamacú lhuhua lactalipáhu cristianos huanti lanchú luu tamacapulamánalh acalistán huata xlacán ahuatá tahuilánalh nahuán; y lhuhua huanti lanchú nitucu xkasatcán talitaxtuy luu ahuatá taquitaxtumánalh pero acxni chú amá quilhtamacú huata pulh huá nacamaxquicán xputahuilhcán nac akapún.

Jesús lichuhuinamparay xlacata amácalh maknicán
(Mateo 20.17-19; Lucas 18.31-34)

³² Maktum quilhtamacú Jesús chu xtamakalhta-huakén xtaláhuamánalh nac tiji xtaamánalh nac cachiquín Jerusalén; Jesús xcapulanima xlacán caj xtastalatihay, ni xtaamputún y xtalacalipuhuantihay porque xtapecuán túcu tlan cahuá xpáxtokli Jesús antá. Xamaktum Jesús túnuj camamacxtumipá xkalhacutiycán y tzúculh calitachuhuinán laṭa túcu xlá xámaj okspulay. ³³ Chiné cahuánilh:

—Lá eé huixinín ucxilhpátit amanáhu nac Jerusalén antaní amácalh quimacamastacán aquit Xatalacsacni Chixcú nac xmacancán xanapuxcun cura y xmakalhtahuakenacán judíos; xlacán naquintalilhcay naquimaknicán y naquintamalacapuy nac xlacatincán mapeksinanín romanos. ³⁴ Xlacán lan naquintalikamánan, naquintahuiliniy, naquintalacachujmani y acalistán naquintamakniy; pero aquit xliaktutu quilhtamacú cámaj lacastacuanán nac calinín.

Santiago y Juan tasquiniy Jesús aktum litlán
(Mateo 20.20-28)

35 Acalistán xlakahuasán Zebedeo xcahuanicán Santiago y Juan talaktalacatzúhuilh Jesú y tahuánilh:

—Quimpuchinacán, clacasquináhu xquilitlahuaníhu aktum lítlan huantú ccāmaksquimpuntúnán.

36 Jesús cahuánihl:

—¿Túcu lacasquinátit nactlahuay caj milacatacán?

37 Xlacán tahuánihl:

—Acxni huix nacamakatlajakoya xlihuák huanti tasitziniyán y natzucuya mapeksinana antá nac lipaxúhu mimpumapeksín, xquilamaxquiúhu quilhtamacú xactahuilacháhu nac mimpaxtún xlacata naccatamapeksinanán.

38 Jesús cakálhtílh:

—Huixinín nipara tzinú catziyátit huantú squimpátit. ¿Lacpuhuanátit pi tlán natayaniyátit nac ámaj lanca tapatín huantú aquit cámaj patiy?

39 Xlacán takalhtínalh:

—Nacpatiyáhu.

Jesús cahuanipá:

—Xlicana pimpátit lipatiyátit tapatín huantú aquit ámaj quiokspulay, y nachuna litum pimpátit patiyátit huantú aquit cámaj patiy, y juerza pimpátit tayaniyátit. **40** Pero huá la huixinín lacasquinátit naccahuiliyán nac quimpaxtún acxni nac tzucuy mapeksinán, ni aquit ccatziy sino xman huá Quintlat Dios ámaj cāmaxquiý huantí cāmininiy y calikalhimácalh.

41 Acxni tacátzílh xamakapitzín xtamakalhta-huakén huantú xtalacasquín Juan chu Santiago,

tasitzínihl. ⁴² Jesú huak c̄atasánih natatalacatzuhuī y chiné c̄ahuánihl:

—Huixinín catziyátit xlacata huantí xanapuxcun mapeksinanín xalac aktum pulatamān xlacán huak taakchipay lata tu huí nac cachiquín y luu tilhueke tahuiliy xlimapeksín, nachuná huantí xalactalipāhu taakskahuimaklhiy huantu takalhiy ni lactalipāhu cristianos. ⁴³ Pero huixinín huantí quilatālapulayáhu nichuná caticaquitaxtunín, porque huantí luu talipāhu litaxtuputún nac milakstipancán mejor huata caj cacalimacuánih xamakapitzín y catláhualh huantú xlacán natalimapeksiy xcompañeros. ⁴⁴ Y nachuná para taxtuyachá chatum la huixinín huantí camapeksíputún xamakapitzín compañeros xtachuná cumu la xapuxcu, huata xlá luu mininiy nalitaxtuy cumu la chatum tasacua huantí na caj nakalhakaxmatnínán huantú nalimapeksicán. ⁴⁵ Xtachuná cumu la aquit Xatalacsacni Chixcú ni huá clakminít nac caquiltamacú laqui caj naquilimacuanicán, huata huá clakminít laqui chuná naccalimacuaniy xamakapitzín, y nachuna litum laqui aquit nacmacamastay quilitamat xpälacata pi tlān naccapalakaxokonún xlatamatcán lh̄hua cristianos.

Jesús mapacsay chatum lakatzín huanicán Bartimeo

(Mateo 20.29-34; Lucas 18.35-43)

⁴⁶ Táchalh nac aktum cachiquín huanicán Jericó, caj xtatipuntaxtumánalh luu lh̄hua cristianos

xtastálanimánalh Jesú^s. Acxní aya xtataxtumá-nalh nac amá cachiquín chatum lakatzín huanicán Bartimeo xkahuasa xuan t Timeo, ant  xu  nac xquihp n tiji csquima limosna. ⁴⁷ Acxní xl  k xmatli pi xtalacatzuhu ma Jes s xalac Nazaret am  lakatz n tz culh quilhaniy:

—Jes s xl talakapasni David, catlahua l tl n caquim lac atl nti!

⁴⁸ Lhuhua t  talacaqu lnilh xlacata cacs caqui-lhua, pero xl  l huaca tz culh quilhaniy:

—Jes s xl talakapasni David, catlahua l tl n caquim lac atl nti!

⁴⁹ Jes s ch koj lalh y c ahu nilh x m makapitz n cristianos:

—Cahuan tit camilh tam  lakatz n.

Y ch atum alh tasaniy y chin  hu nilh:

—Catux n , kahua; cataya porque Jes s tasan m n.

⁵⁰ Xl  lhken mak sulh xmactahuaca nac t yat, l lihu n t yalh y talacatz hu ilh antan  xy  Jes s.

⁵¹ Jes s kalh squilh:

— T cu lacasquina cacl hualh milacata?

Am  lakatz n chin  kalht nalh:

—Quimp chin , aquit clacpuhu n xaclacahu nalh.

⁵² Jes s hu nilh:

—T lan  l ipax hu napina nac m n chic. Huix aya p mp t lacahu nana porque quilip huan ta.

Am  lakatz n acxnitunc n lacahu nalh y n  sta l nilh Jes s antan  xl  xama.

11

*Jesús tanuyachá nac xacachiquín Jerusalén
(Mateo 21.1-11; Lucas 19.28-40; Juan 12.12-19)*

¹ Acxni táchalh nac aktum kestín huanicán Monte de los Olivos, xmalakatancs aktiy cachiquín cahuanicán Betfagé y Betania, umäkolh cachiquín tapekstokuilakolh Jerusalén, Jesús camácalh chatiy xdiscípulos ² y cahuánilh:

—Capimpítit nac amá cachiquín huantü huilachi tuncán, acxni nachipinátit nac aktum chiqui huixinín naucxilhátit pi chiyahuacanit tantum burro huantü nití a ketahuilay, lalihuán naxcutátit y nalitanátit. ³ Y para tícu nacahuaniyán túcu lilayátit, huixinín cahuanítit: “Quimpuchinacán maclacasquimputún y pálaj napuspitparay.”

⁴ Xlacán táalh y xlícaná tamañóklhulh tantum burro xchiyahuacanit nac xtanquilhtín aktum chiqui lacatzú cmálacechi. Xlacán táxcutli ⁵ y huanti antá xtalayánalh lacatzú taúcxilhli huantü xtatlahuamánalh, chiné cahuaníca:

—¿Túcu tlahuaputunátit? ¿Túcu lilayátit xcuttátit tamá burro?

⁶ Amäkolh discípulos chuná takalhtínalh la xcahuaniit Jesús y niaj tū cahuanícalh, camaxquícalh talacasquín natalén. ⁷ Talimínih amá burro antaní xuí Jesús y taliketlapánih chhakatcán, Jesús ketahui ⁸ y lalihuán táalh pekán cJerusalén. Lhuhua tī tzúculh tataramiy chhakatcán nac tiji antaní xlacama y makapitzín tzúculh tacay lactzú xmakxpínín keske y nā xtataramiy nac tiji.

⁹ Y lhuhua cristianos tī xtapulamánalh xahua tī xtastalanitilhay chiné tzúculh tamatasiy:

—¡Camaxquíhu cácnit Dios! ¡Dios casiculanatláhualh eé chixcú huantí xlá macamima! ¹⁰ ¡Dios casiculanatláhualh xlimapeksín huantú xlá mala-kachanit xlacata naquincamapeksiyán nachuná la mapeksinalh xamakán quinquilhtzucutcán rey David! ¡Calakachixcuahuíhu Dios caj xpálaceata tu tlahuama!

¹¹ Pus chuná tanuchá Jesús nac Jerusalén, aca-listán alh nac lanca púsiculan xalac Jerusalén. Y acxni kotanukolh catámpá xdiscípulos nac Betania porque aya xcásmalankama.

Jesús lacaquilhniy akatum suji porque nítu xkalhiy xtahuácat

(Mateo 21.18-19)

¹² Lichalí tzisa Jesús tacaxpá nac Betania y lata xtlahuama xlá tzúculh tzincsa. ¹³ Alimákat úcxihilí akatum suji luu staknít xtáya xapalhíma, alh ucxilha para xkalhiy xtahuácat pero nítu maclánih acxni lákcháhl porque ni xquiltamacú xuanit lá natahuacay xtahuácat. ¹⁴ Jesús chiné huánih ámá suji:

—Aquit clacasquín pi niaj para chatum cristiano nahuaparay mintahuácat.

Y xtamákalhtahuakén huák takáxmatli huantú huánih ámá suji.

Jesús caputlakaxtuy huanti xtastanamánalh nac lanca púsiculan xalac Jerusalén

(Mateo 21.12-17; Lucas 19.45-48; Juan 2.13-22)

¹⁵ Caj lipuntzú tácháhlh nac Jerusalén, Jesús tuncán tānulh nac lanca púsiculan y tzúculh catamacxtuy huantí antá xtastanamánalh xahua

tí xtatamáhuanamánalh nac xtanquiltín pusiculan, cámakpuspítñilh xmesajcán huánti xtalak-palimánalh tumín xahua tí xtakalhiy xpaloko-yucán cañaspún y xtastay. ¹⁶ Niajti máxquilh quilhtamacú xlacata natatanuyachá xlístat nac xtanquiltín pusiculan. ¹⁷ Y chiné cahuánilh amákolh lacchixcuahuín:

—Nac xtachuhuín Dios huántu tatzoktahuilanít nac líkalhtahuaka chiné huan: “Umá quínchic luu cajhuá nalimaxtucán pi antá naquintakalhtahuakaniy xlíhuak cristianos caníhuá xalanín”, pero huixinín aya limaxtunitátit cumu la xputatzék-nicán kalhananín.

¹⁸ Makapitzín xmákalhtahuakenacán judíos xahua xanapuxcun cura takáxmatli huantü xlá xquilhuama huata tzúcuhl talacputzay lácu natatlahuay xlacata tzek natamakniy, porque xtapecuaniy laña xcámakalhchuhuiníy cristianos y xlíhuak xtacanajlaniy huantü xlá xcalitachuhuinán. ¹⁹ Acxní aya tzúcuhl casmalankán Jesús catatacaxpá xdiscípulos y catampá cBetania.

*Suji scacnít huantü tilacaquílhnilh Jesús
(Mateo 21.20-22)*

²⁰ Lichalí lacatzisa lacatzú tatítáxtulh antaní xyá amá suji huantü tilacaquílhnilh Jesús y taúcxilhli pi huák cscäckonít laña xakán hasta xtankáxek. ²¹ Pedro lacapastactáyalh y chiné huánilh Jesús:

—Quimpuchinacán, caúcxilhti amá suji huantü tilacaquihni kótán, aya acscäctayakonít.

²² Jesús chiné kálhtílh:

—Huá lílalh xlacata nalipahuanátit Dios.
 23 Pus luu xlicana ccahuaniyán para tícu nahuaniy eé kestín: “Catakenu la tahuila y capit tajuya nac pupunú”, para xlá cajajlay y catziy pi chuná naquitaxtuy xlicana chuná ámaj quitaxtuniy. ²⁴ Nachunalítum para túcu namaksquinátit Dios acxni huixinín nakalhtahuakaniyátit, para lipahuanátit y catziyátit pi xlá amán camaxquiyán xlicana chuná nacaquitaxtuniyán. ²⁵ Nachunalítum acxni huixinín nakalhtahuakaniyátit Dios, para tícu mintacristiano taratlahuanitán y talamakasitzinitán, pus huata pulhá catapati y camatzankénani laquimpi Mintlāticán huanti huilachá nac akapún na nacamatzankénaniyán mintalākalhincán. ²⁶ Pero para huixinín ni nalamatzankénaniyátit huantu catlahuaninitán mintacristiano, pus nachuná Mintlāticán Dios huanti huilachá nac akapún na ni caticamatzankénanín mintalākalhincán.

*Huinti niitu taliucxilha xlimapeksín Jesús
 (Mateo 21.23-27; Lucas 20.1-8)*

27 Tataspitpá nac Jerusalén y acxni xtalak-chokopulay Jesús nac pusiculan talaktalacatzú-huìlh xanapuxcun cura chu xmäkalhtahuake-nacán judíos, xahua lakkolutzinni mapeksinanín.
 28 Chiné takalhásquilh:

—¿Túcu xpälacata huix lisitziya laṭa tu lama nac pusiculan? ¿Tícu maxquinítán limapeksín xlacata chuná natluhaya?

29 Pero Jesús cakálhtilh:

—Pus aquit ná huí huántu camán cákalkh-putzayán, para huixinín naquílakalhtiyáhu pus aquit ná naccáhuaniyán tícu quimaxquinít líma-peksín xlacata huántu ctlahuay. ³⁰ Lanchuj tuncán caquilahuaníhu, ¿tícu máxquih límapeksín Juan Bautista xlacata naakmununún, pi huá Dios os-uchí lacchixcuahuín?

³¹ Xlacán tzúcuh talalítakalhchuhuinán, xtala-kalhasquín y xtalahuaniy:

—Para nahuaniyáhu pi Dios malakáchalh naquincáhuaniyán: “¿Lácu chinchú ni licanajlanítit huántu calitachuhuinán?” ³² Y para nahuaniyáhu pi huá cristianos límapéksilh ná nilay.

Pus nichuná xtalikalhtinamputún porque xtacatziy pi luu lhuhua xcānajlanicanit xlacata pi Dios xlicana xmālakachanit Juan Bautista naliakchuhuinán xtalacapastaci, huá xtalipecuaniy xlílhuhua cristianos; y xlacán ni tacátzilh lácu natakalhtinán. ³³ Chiné talihuánilh Jesús:

—Ni ccatziyáhu.

Jesús cákálhtilh:

—Pus ná nipara aquit cacticáhuán tícu qui-maxquinít límapeksín xlacata lata tu aquit tlán ctlahuay.

12

*Xatakalhchuhuin tñ ni xalacuán tasacuán
(Mateo 21.33-46; Lucas 20.9-19)*

¹ Caj lípuntzú Jesús tzúcuh camákalhchuhuiniy cristianos, caj calitachuhuinálh aktum takalhchu-huin, chiné cahuánilh:

—Maktum quilhtamacú xuí chātum chixcú chalh nac xpūcuxtu lhūhua xalichánat uva. Xlá lihuana stilimpácalh, acalistán tláhualh aktum lanca torre antaní natahuacay tī namaktakalha xtachanán. Y nā tláhualh xpuchitni laqui antá nalakchita xuvás acxní nachay. Ní makas quilhtamacú xlá cāmāquentálilh makapitzín tasacuán xcatacuxtu, xlá alh latamay mákat cachiquín. ² Acxní lákchálh quilhtamacú lata tzucuy chay y lakchitcán uvas, xlá malakáchalh chātum xtasacuá xlacata nacásquinicán huantú xlakchán xlá nachipay xatachitni uvas. ³ Pero xlacán tachípalh, lān taakkaxímilh, caj chunatá tamacampá y nitú tamáxquih tachitni. ⁴ Amá xapuchiná púcuxtu malakachapá tunujlitúm xtasacuá, pero xlá taliactalanchípalh chíhuix, taápkaklhli y calahuá tahuánih. ⁵ Xapuchiná catacuxtu malakachapá a chātum xtasacuá, pero xlá maknicanchá. Nachuná lhuhua cāmalakachapá xtasacuán; huintí cāmaknícalh y makapitzín cālakkaximícalh.

⁶ Amá kolutzín ahuatiyá chū xkalhiy chātum xkahuasa luu xlicana xpaxquiy; xlacpuhuán: “Para nacmalakachay quinkahuasa, max ahuayu natakaxmatniy huantú nacahuaniy.” Xlicana malakáchalh xkahuasa. ⁷ Y acxní cālákchálh amá kahuasa, amakolh tasacuán chiné tzúculh talahuaniy: “Huá tamá kahuasa tī natamakxteknikoy pūtum umá púcuxtu, huata mejor camaknīhu laqui aquinín naquincatamakxteknikoyán.” ⁸ Amá xkahuasa xapuchiná amá púcuxtu tachípalh tamaknílh y tatamácxtulh xtiyatlihua, táalh tamakán nac

xquihapán púcuxtu.

⁹ Jesúś cākálhásquilh amākolh lacchixcuhuín huantí xtakaxmatnímánalh:

—¿Túcu huixinín lacpuhuanátit natluhuay amá xpuchina púcuxtu? Pus eé xapuchiná ámaj min y nacāmakníkoy amākolh ní lacuán tasacuán y xlá nacāmaxquiý xpuchanán tunuj tasacuán.

¹⁰ 'Huixinín, ¿Pi niá líkalhtahuakayátit la tat-zoknít xtachuhuín Dios nac líkalhtahuaka? Laca-tum chiné tatzoknít:

Amá lanca chíhuix huantú titalakmákalh tzap-snanín porque titalacpúhua pi nitú lima-cuán,
huata lanchú huá luu limacuama porque huá anít lijaxkoy lata xlílanca chiquí.

¹¹ Pero huá Quimpuchinacán Dios huantí lac-lhcanít xlacata chuná naquitaxtuy
laqui aquinín caj cacs nacalilacahuánahu lata túcu tlahanít.

¹² Pus xlacán xtachilemputún Jesúś porque xtaakataksnít pi caj xlacsacnít umá takalhchuhuín xlacata nacalimalacahuaniy. Pero cumu lhuhua cristianos xtalayánalh huantí xtacanajlanínt xtachuhuín pus tapécualh chicá natasitziniy, y huata mejor caj taakxtekyáhualh y taalhá.

*Kalhasquincán Jesúś para mininiy lakax-
okonuncán*

(Mateo 22.15-22; Lucas 20.20-26)

¹³ Caj lipuntzú huantí xtasitziniy Jesúś tamála-káchalh makapitzín fariseos xahua ti xtatayánalh rey Herodes, caj xtamákalhputzaníputún chicá para túcu nitlán nacalichuhuínán mapeksinanín

laquí chuná natamälacapuy. **14** Acxní talákchilh chiné takalhásquilh:

—Mäkalhtahuakená, ccatziyáhu xlacata huantú huix huana luu huá talulóktat, y huix nitícu líquilhpuhuana y huaniya huantú niatlán tlahuama, mäsqui lhuhua huanti ni taliucxilhputunán, huata lacasquina xlipütum cristianos natalakapasa laata lácú Dios lacasquín natalatamay. Pus caquihuaníhu, ¿pi lakchán laata clakaxokonuniyáhu amá xapuxcu gobierno xalac Roma? ¿Pi tlán clakaxokonuniyáhu o niatlán la clakaxokonumanáhu?

15 Jesúz xcatziy pi caj xtakalhputzamánalh y chiné cahuánilh:

—¿Tícu xpälacata huatiyá chú quilalacputzananimáhu huantú tlán naquilalimamakosiyahuayáhu? Calitátit okxtum tumín laquí nacucxilha.

16 Liminica okxtum tumín, acxní úcxilhli Jesúz cakalhásquilh:

—¿Tícu xlacapún talhcení eé, y tícu xtacuhuiní tatzoktahuilanit nac eé tumín?

Xlacán takalhtínalh:

—Huá xlacapún xapuxcu mapeksiná romano.

17 Jesúz cahuánilh:

—Pus camacamáxquítit gobierno huantú lakchán gobierno, y náchuná camacamáxquítit Dios huantú lakchán namacamáxquiyátit.

Xlacán caj cacs talacáhua y niaj xtacatziy túcu natakalhasquimparay.

*Jesús kalhasquincán para talacastacuanán nin
(Mateo 22.23-33; Lucas 20.27-40)*

18 Acalistán táalh tatachuhuínán Jesús makapitzín saduceos. Umakólh cristianos xtahuán pi xlistacni chatum cristiano ni catilacastacuánalh acxní naniy, pus huá xpälacata talikalhásquilh:

19 —Makalhtahuakená, Moisés quincamakxtek-ninitán aktum tapéksit, para chatum chixcú naniy naakxtekmakán xpuscat y nītu takálhīlh xcamancán, tlān huatiyá chatum xtälá natatamaka-xtoka xyastá y natakalhiy xcamancán laqui nīnalakputa xtacuhuiní xtälá huanti nilh. **20** Pus maktum quilhtamacú xtahuilánalh kalhatujún lakahuasán linatalán, xapuxcu tamakáxtokli, y nīlimakas nilh pero nī takálhīlh xcamancán. **21** Xli-chatiy xtälá tatamatákxtokli xyastá, y nī limakas quilhtamacú xlá ná nipá y nipara huá takálhīlh xcamancán. Ná chuná okspúlalh xlikalhatutu. **22** Y pütum xlikalhatujuncán huák tatatamakáxtokli amá puscat, y nipara chatum takálhīlh xcamancán. Y nī limakas amá puscat ná nilh. **23** Chinchú acxní xlistacnicán natalacastacuanán nac calinín y natalatamaparay, ¿tíuya chixcú luu xpuscat ámaj huán, pus huák tatatamakáxtokli xkalhatujuncán?

24 Jesús cakálhtilh:

—Huixinín luu xlicana aktzankanitátit porque nī catziyátit y nī akataksátit lácu huan xtachuhuín Dios huantū tatzoktahuilanit nac likalhtahuáka, y ná nipara catziyátit lácu kalhiy xlitlihueke Dios, lácu xlá calikalhímachá xlistacnicán nín nac akapún acxní xlá nacamalacastacuaniy nac calinín. **25** Porque acxní nin natalacastacuanán nac calinín amakólh lacchixcuhuín xahua

lacpuscatnín niaj t̄i catitamakáxtokli, ni para catitakálhilh xlactzumajancán huánti natamamaka-xtoka, porque chuná natalitaxtuy cumu l̄a xángeles Dios huánti tahuilnanchá nac akapún.

²⁶ Chú xlacata para natalacastacuanán nin, osuchí ni natalacastacuanán, ¿pi ni akataksátit lácu huamputún likalhtahuaka huántu tzokli Moisés acxní xlá tzokli l̄a tachuhuínalh Dios nac akatum actzú quihui acxní xakxkotayama? Chiné huánilh: “Aquit xDios Abraham xahua xlá Isaac chu xlá Jacob.” ²⁷ Antá huamputún pi huánti talamánalh xastacná nac caqUILhtamacú chu huánti aya taninít lacxtum lámpara xastacnacú talamánalh, porque Dios ni huá xDioscán nin sinoque huánti talamánalh xastacná.

Jesús kalhasquincán xatúcu xlimateksín Dios tlak xlacasquinca

(Mateo 22.34-40)

²⁸ Chánum xmákalhtahuakenacán judíos xlá xkalhakaxmatma l̄a xcatalahuanima Jesús amá lacchixcuhuín, y cumu akátaksli pi tlān xkalhtinanit, na talacatzúhuílh xlacata nakalhputzay, chiné kalhásquilh:

—Lata xlipacs límapeksín huantu Dios mastanit natlahuayáhu, ¿xatúcuya tlak xlacasquinca?

²⁹ Jesús kálhtílh:

—Huantu tlak xlacasquinca límapeksín lata xlipacs chiné huan: “Cakaxpáttit chánum huixinín xalac Israel, huá Quimpúchinacán Dios xtastum huá Dios, ni t̄i achánum anán, y xmánuá Mimpúchiná natlahuaya. ³⁰ Huá capaxqui y calipáhuanti

Mimpuchiná Dios xlihuák minacú, xlihuák milistacni, xlihuák mintalacapastacni y xlihuák militlihueke.” ³¹ Y xlíkampatiy limapeksín huántu na caj xtachuná, chiné huan: “Calakalhámanti mintacristiano xtachuná cumu la mecstu lakalhamancana.” Huá lata umakolh kampatiy limapeksín ni anán akampatum huántu tlak xlacasquinca o huántu Dios lacasquín namakantaxtiyáhu.

³² Amá xmäkalhtahuakenacán judíos huánilh Jesús:

—Mäkalhtahuakená, luu cmatlantiy tu huana, pus xlicána huántu huana, caj xmän chatum Dios kalhiyáhu y niti anán achatum. ³³ Pus xlicána luu quilipaxquitcán Dios xlihuák quinacujcán, xlihuák quintalacapastacnicán, xlihuák quiliatadicán y xlihuák quilitlihuekecán. Pus huánti tlahuay eé kampatiy limapeksín nac xlatámat atzinú makapaxuhuay Dios nixachuná lata túcu nahuiinicán nac püsicular, osuchí namaknininicán quitzistancán xlacata nalilakachixcuhuiyáhu.

³⁴ Acxní káxmatli Jesús la akstítum kálhtílh amá chixcú, chiné huánilh:

—Pus huix akatákspat la Dios mapeksinamputún nac milatámat, y lámpara niaj mákat natanuyapi nac xtapéksit Dios.

Acalistán niaj túcu kalhásquilh para túcu.

*Jesús lichuhuinán huánti luu xlicána xtlat
(Mateo 22.41-46; Lucas 20.41-44)*

³⁵ Antacú xlama Jesús nac püsicular y tzucupaj camäkalchchuhuiníy cristianos, chiné cäkalhásquilh:

—¿Túcu xlacata talihuán xmäkalhtahuake-nacán judíos xlacata pi Cristo huánti namín cälakmäxtuyán mat xlítalakapasni xamakán rey David nahuán? ³⁶ Porque maktum quilhtamacú huatiyá rey David acxni Espíritu Santo mälapuhuánlh chiné tilichuhuínalh Cristo:

Quimpuchiná Dios chiné huánlh chatum lítum ti na Quimpuchiná:

“Catahuila nac quimpaxtún xlacata naquintama-peksinana,

hasta acxni aquit naccamakatlajakoy pütum huánti tasitziniyán limacxtum natalakachixcuhuiyán.”

³⁷ Pus, ¿lácu chú lacpuhuanátit xlacata Cristo xli-talakapasni nahuán rey David para huatiyá David xcäcninaniy xlimapacuhuiy, Quimpuchina?

Amá quilhtamacú luu lhuhua xtakaxmatniy xtachuhuín.

*Jesús lhuhua huantu caliyahuay
xmäkalhtahuakenacán judíos*

(Mateo 23.1-36; Lucas 11.37-54; 20.45-47)

³⁸ Lata Jesús xcämkalhchuhuínij cristianos chiné cähuaniipá:

—Skálalh catahuilátit ni nacäakskahuimiyán amá mimäkalhtahuakenacán huánti tamasiuyuy xley Moisés. Xlacán tapulatamaputún lacpulhmán clhakatcán y na talakatiy huak nacäcninanicán antaní nacäxakatlipaxtokcán nac tiji. ³⁹ Acxni taán nac püsicular talacasquín nacälikalhicán tlak lacuán pütáhuílh antanícu natatahuilay, y nächuná tatlahuay antanícu huí

pupaxcua. ⁴⁰ Y huánti cānimakancanit lacchaján taakskahuimaklhtiy xchiccán, laquí nití mat nacatziy lácu xtayatcán makás takalhtahuakaníy Dios. Pero nipara tzinú tacatziy xlacata pi ątzinú xlacán ląn amakolh tapatínán.

*Xlimosna chatum limaxken puniná
(Lucas 21.1-4)*

⁴¹ Maktum quilhtamacú Jesús xuí lacatzú antaní huilakolh cajas xla limosnas, xlá caj xcaucxilhma cristianos la xtamajumánalh tumín; y lacrrico xtamajuy lhuhua tumín. ⁴² Caj lipuntzú chilh chatum punina puscat luu xlícaná limaxken xuanit, y nac aktum caja xlá májulh okxtiy tumín xla cobre nitúcu tuncán xtapalh xuanit. ⁴³ Jesús catasánilh xtamakalhtahuakén, chiné cahuánilh:

—Xlicana ccahuaniyán, eé limaxken viuda ątzinú lhuhua majunit tumín nac caja nixachuná amakolh lacrrico huánti tamajukonít lhuhua tumín. ⁴⁴ Pus xlacán tamastanít huántu aya xcaakataxtuninit, pero xlá tamá puscat caj lata xcatapobre mاستakonít huántu xkalhiy tu xtilimacuánilh.

13

*Jesús lichuhuinán lácu ámaj laclay lanca pusiculan xalac Jerusalén
(Mateo 24.1-2; Lucas 21.5-6)*

¹ Jesús aya xtactumachi nac lanca pusiculan xalac Jerusalén y chatum xdiscípulo chiné huánilh:

—Mäkalhtahuakená, cacaqúcxilhti laklilakátit chíhuix huántu licäxtlahuacanít umá pátzaps xla púsiculan.

² Jesús kálhtih:

—Luu tlán ucxílhpát umäkólh chíhuix huántu licäxtlahuacanít eé púsiculan, pero ni catziya xlacata niaj makás quilhtamacú eé púsiculan niaj catitasíyulh porque amácalh lactilhmicán y niaj para aktum chíhuix catitahui antaní xcahuili-canít.

Jesús lichuhuinán la amaj sputa caquilhtamacú (Mateo 24.3-28; Lucas 21.7-24; 17.22-24)

³ Y acalistán catáalh xdiscípulos nac aktum kestín huanicán Monte de los Olivos. Umá kestín luu xmälatancs lanca púsiculan nac Jerusalén xuilachá. Acxni antá táchalh Jesús culucs táhui, y entonces Pedro, Santiago, Juan xahua Andrés talákalh y chiné tzek takalhásquilh:

⁴ —Clacasquináhu xquilahuaníhu túcuya quilhtamacú chuná amaj lakchán xlacata nalakponkamícán amá púsiculan. ¿Túcu nalitasiyuy huántu naliucxilhiyayáhu xlacata nacatziyáhu aquinín pi aya kantaxtuma huántu lanchú quilalitachu-huinamanáhu?

⁵ Jesús cakálhtih:

—Cuentaj catlahuátit nití nacqakskahuiyán.

⁶ Porque lhuhua tí natamín xtachuná cumu la aquit natalitaxtuputún, y natahuán: “Aquit Cristo”, lhuhua huánti natataakskahuiy y natacanajlaniy xtachuhuincán. ⁷ Nächunalitum huixinín pimpátit kaxpatátit laña nalichuhuinancán canihuá talamánalh guerras, pero huixinín ni

capecuántit porque talacasquín pi pulh chuná nalay. Pero p̄utum eé cajcu xquilhtzúcut l̄ata t̄u ámaj lay acalistán.⁸ Xlilhuhua laclanca p̄ulatamān ámaj talalacatahuacay tunu p̄ulatamān, y xlilhuhua cachiquín ámaj t̄alamakasitziy tunu cachiquín. Tíyat lacaxtum amaj tachiquiy nac caquilhtamacú y nalay tatzíncstat. Pero p̄utum umá cajcu líquilhtzucuma nahuán l̄ata t̄u ámaj min lanca tapatín.

⁹ Pero huixinín catatlihuéklhtit xp̄alacata tu nacaokspulayán porque pimpacántit camacamastacanátit nac xpumapeksincán laclanca napuxcún, y nacamapatinicanátit nac xpusiculancán judíos, nacalipincanátit nac xlacatincán reyes caj quimpalacata; chuná huixinín tl̄an naquilalichuhuínanáhu pi xlícaná quilalipahuanáhu. ¹⁰ Pus l̄ata niā lakchán nahuán quilhtamacú la nakantaxtuy huantú ccahuanimán umá quintachuhuín huantú māstay laktáxtut amácalh lichuhuínankocán xlícalanca caquilhtamacú y huák amácalh lakapascán. ¹¹ Y acxní huixinín nacalipincanátit, ni calipuhuántit xlacata lácu nahuanátit, nipara alisok calacapastáctit. Huixinín chuná nahuanátit huantú Dios nacamacatziniyán amá quilhtamacú, pus ni huixinín catichuhuínantit sino huá amá Espíritu Santo ámaj chuhuínán mimpalacatacán. ¹² Amá quilhtamacú sacstu linatalán taamánalh talāmacamastay xlacata nacamaknicán, y makapitzín nataliakskahuinín hasta masqui xcamancán l̄aqúi nacamaknicán, y makapitzín lakahuasán nataliakskahuinín

hasta masqui xtlatcán laqui na nacāmaknicán. ¹³ Huāk cristianos ámaj cásitziniyán caj xpālacata cānajlayátit quintachuhuín, pero huānti natayaniy y ní nalimakxtektayay xlacata pi quilipahuán hasta lata natitaxtukoy umá nilactlán quilhtamacú pus huá tamá ámaj māakaputaxtiy xlistacni.

¹⁴ 'Acxní huixinín naucxihilhátit pi kantaxtuma huantu títzokli profeta Daniel acxní tilichuhuín-
nalh lata lácu nalikamānancán y líxcájnit nalimáxtucán amá lanca xpūsiculan Dios xalac Jerusalén, y antá nac xpulacni nayahuacán tzincun; acxnicú huixinín huānti talamananchá nahuán nac xapulatamān Judea catatzálalh tuncán nac calacsipijni. —Huānti likalhtahuakay eé libro caakátäksli huāntu līchuhuinama Jesús—. ¹⁵ Y huānti lahuacachá nahuán nac xakstín xchic, acxní natäctay xlacata natzalay, mejor ní catánulh xlacata namäxtuy para túcu nälén huāntu kalhiy nac xchic. ¹⁶ Nachuná huānti anit nahuán nac xcatuhuán, mejor ní catáspiti cxchic xlacata namín tiyay clhákāt, mejor chunatá catzálalh. ¹⁷ ¡Koxutanín amäkolh lacchaján huānti luu acxní amá quilhtamacú tatatatlay y niaj sacstu talamanalh nahuán, osuchí huānti tamätziquiy nahuán cskatacán! ¹⁸ Calisquinítit Dios xlacata nítu ticaput-lakacanátit acxní luu xquilhta lonkní, ¹⁹ porque lhühua tapatín ámaj lay amá quilhtamacú cumu neçxnicú chuná a lay hasta lata Dios titláhualh catuxáhuat, y niaj para catilapá acalistán. ²⁰ Pero para Dios ní namächokoy amá quilhtamacú la ámaj lay tapatín nípara chästum catiakaputáxtulh; pero xlá catziy huāntu tlahuama y namächokoy

porque calakalhamán cristianos huánti xlá calacsacnít.

21 'Y amá quilhtamacú para tícu nacahuaniyán: "Eé caucxíltit, amá chixcú huá Cristo", osuchí tunu tñ nahuán: "Umá chixcú huá Cristo", huixinín nñ cacanajlátit. **22** Porque natamín huánti nataaksahuinán y natahuán pi huá Cristo, y tunu tñ natahuán pi Dios cámátlakachanít xlacata natalichuhuinán xtalacapastacni. Xlacán nataatlahuay laclanca licácnít tascújut huántu naliucxilhcán xlacata takalhíy litlhueke, y laquí tlán natatakskahuinankoy; y na nacákskahuiputún hasta huánti Dios calacsacnít para tlán cahuá natamatlantiy. **23** Huá xlacata ccáhuaniyán, luu skálalh catahui-látit porque alisok ccáhuanimán huántu ámaj qui-taxtuy acalistán.

*Lácu namimparay Xkahuasa Dios
(Mateo 24.29-35, 42, 44; Lucas 21.25-36)*

24' Pero amá quilhtamacú acxní aya titaxtukonít nahuán tapatín, niaj catitasíyulh chichiní nalacapucsuanckoy; y papá niaj catimaxkakénalh catzisní. **25** Amá stacu huántu tahuilánalh nac akapún natatamokosa y huák lata tñ huí nac akapún natalacchiquikoy y huilhaj nalakoy. **26** Entonces pütum cristianos naquintaucxilha aquit Xatalacsacni Chixcú y cmímaj nahuán nac xlacni puclhni y natasiyuy lanca quiltilhueke xahua quilicácnít. **27** Y aquit naccámátlakachay ángeles xlicálanca cäquilhtamacú hasta tlak xatankenuy, y nachuná hasta antaní quiakasputa akapún xlacata nacámamacxtumicán xlíhuák xcamán Dios huánti calacsacnít.

28 'Acán ucxilhátit tzucuy akayuja makapitzín quihui y tzucuy akaskatamparay, huixinín catziyátit xlacata pi aya talacatzuhuima quilhtamacú lata lhacnán. **29** Pus náchuna litum acxni nauxilhátit pi aya kantaxtuma huántu lanchú ccalítachuhuínamán, pus cacatzítit pi aya talacatzuhuima quilhtamacú lata amácalh sputcán. **30** Xlicana ccáhuaniyán pi hasta niá tanikoy nahuán makapitzín huánti lanchú talamanalhcú acxni nakantaxtuy huántu lanchú ccalítachuhuínamán. **31** Luu lacatancs ccáhuaniyán xlacata huák akapún chu caquilhtamacú masqui calaktzánkálh, pero quintachuhuín nilay catilaktzánkálh hasta nakantaxtukoy huák lata tu clichuhuinanit.

Níti catziy túcuya quilhtamacú ámaj min Jesús

32 'Pero huá lata túcuya quilhtamacú osuchí túcuya hora amaj lakchán níti catziy, ná nipara aquit Xatalacsaci Chixcú, nipara ángeles xalac akapún, huata caj xman Quintlat Dios catziy. **33** Pus huá xpalacata ccalihuaniyán luu skalalh y chacatziya catahuilátit porque ni catziyátit túcuya quilhtamacú ámaj lakchán. **34** Náchuná ámaj quitaxtuy cumu la chatum chixcú huánti an paxialhnán mákat, pero acxni niá an, cámacuentajliy xtasacuán nac xchic y cámacamaxquiy chatumun xtascujutcán, y yahuay chatum nac lanca málacchi laqui namalaquiniy xpuchiná acán namimparay. **35** Pus náchuná huixinín skalalh catahuilátit porque ni catziyátit túcuya quilhtamacú cámaj min aquit, para acán tzisuama, osuchí la

naitatlay tzisní, o acxní natasay puyu, osuchí acxní naspálhcahuankóy, o acxní cäcuhuinitá.

³⁶ Pus luu skálalh catahuilátit porque, ¿chí para xamaktum ni lìcatzjhuilátit nahuán acxní nactaxtuyáchi y lhtatapátit nahuán? ³⁷ Eé huantú ccahuanimán huixinín nachuná clacasquín catacátzilh huák amatapitzín cristianos huanti naquintakalhkalhíy acán nacmín, xlacata skálalh catatáhui.

14

Huantí tatalamakasitziy Jesús talilacchuhuinán lácu natamakniy

(Mateo 26.1-5; Lucas 22.1-2; Juan 11.45-53)

¹ Aktiy quilhtamacú xtzankay xlacata nalak-chán xpàxcuajcán judíos xla taakspuntzalín acxní xlihuak cristianos xalac Israel xtahuay caxtilán-chahu huantú nítu kalhiy levadura. Amäkolh xanapuxcun cura xahua xmakalhtahuakenacán judíos tzúculh talilacchuhuinán xlacata lácu tlan natachipay Jesús, nataliakskahuinín y acalistán natamakniy. ² Pero xlacán xtaquilhuamánalh:

—Ni cachipáhu acxní luu xquilhtamacú xapàx-cuaj taakspuntzalín porque lhuhua cristianos natasitziy huanti tapaxquiý.

Chatum puscat liakpaxiy perfumes Jesús

(Mateo 26.6-13; Juan 12.1-8)

³ Jesús xanít lakapaxialhnán Simón amá chixcú huanti xmapacsanít acxní xkalhiy aktum lixcájnit tajátat huanicán lepra, xlá antá xuilachá nac Betania. Jesús xuí nac mesa xuayama acxní chilh

cháatum puscat xlimín pátum lameta xatlán perfume xla nardo xánat luu taparaxlá xuanít xatpalh amá quilhtamacú. Makálhkélh lameta y liakpaxíkolh perfume nac xakxaka Jesús.⁴ Huánti antá xtahuilánalh lacatzú tzúcuh tasitziniy amá puscat y chiné tzúcuh talahuaniy:

—¿Túcu xpápacata luu caj páxcat tláhualh eé xatlán perfume? ⁵ Pus tlán xtilistácalh líhuacay aktutu ciento denario tumín, y huántu xtitástokli xatumín xticalimaktayácalh laklimaxkenín.

Jesús cakalhakáxmatli huántu xlacán xtaqui-lhuamánalh ⁶ y chiné cahuánilh:

—¿Túcu xpápacata limaaklhuhuiyátit eé puscat? Porque huántu xlá tlahuani luu xlicana tlán. ⁷ Pus huánti laklimaxkenín talamánalh cristianos ankalhiná catalamán nahuán nac milakstípancán, y tlán nacámaktayayátit acxní huixinín nalac-puhuanátit, pero aquit niaj makas quilhtamacú cacticatalatamán. ⁸ Huántu xlá tlán lacpúhualh pus chuná tláhualh, y masqui ni catziy xlá alisok quiltilahuapúxtulh perfumes laqui acxní naquimacnucán masqui niaj tū caquiltilahuácalh. ⁹ Xlicana ccahuaniyán pi lata chá nícu nalichuhuinancán xtachuhuín Dios xlicalanca caquilhtamacú nā nalichuhuinancán huántu tláhualh eé puscat laqui huák nálilacapastaccán.

*Judas catalacaxlay huanti tasitziniy Jesús
(Mateo 26.14-16; Lucas 22.3-6)*

¹⁰ Judas Iscariote huánti xtatapeksiy amá xkalhacuti y xdiscípulos Jesús alh catachuhuinán huánti xtasitziniy Jesús xanapuxcun cura laqui nacatalacaxlay y nacámacamáxqui. ¹¹ Acxní

xlacán takáxmatli huántu xcāmalacnunimácalh
xlacán tapaxuhuakolh, talitayánilh pi
natamaxquiy tumín; Judas tzúculh lacputzay
lácu natlahuay xlacata namacamastay Jesús.

*Jesús ahuata catahuayán xdiscípulos cakotanún
(Mateo 26.17-29; Lucas 22.7-23; Juan 13.21-30; 1
Corintios 11.23-26)*

¹² Acxní lákchálh amá quilhtamacú xtamakotanín xpaxcuajcán judíos xla taakspuntzalín acxní
xlacán tahuay caxtilánchahu huántu nítu kalhiy
levadura y acxní cāmaknicán xalactzu borrego
huántu lilakachixcuahuinancán nac amá paxcua,
xtamākalhtahuakén Jesús chiné takalhásquilh:

—¿Nícu lacasquina nacanáhu caxtlahuayáhu
huántu nahuayáhu eé xtamakotanín paxcua?

¹³ Pus Jesús cāmalakáchálh chātiy xdiscípulos
xlacata natacaxtlahuay amá tahuá, y chiné cāhuá-
nilh:

—Capimpítit nac cāchiqúín y antá huixinín
naucxilhátit chātum chixcú cucalema pātum stūn
chúchut. Castalanítit ¹⁴ y antaní natanuyachá
nā antá catanútít, cahuanítit xpuchina chiqui:
“Huan quimākalhtahuakenacán: ¿Nícu huí
amá pulactum chiqui antaní naccatahuay
quintamākalhtahuakén tahuá xla taakspuntzalín
eé tzisní?” ¹⁵ Xlá nacalénán, nac xliquivilmactiy
chiqui nacamasiyuniyán pulactum chiqui
juerza tzinú cālaklanca y pacsa kalhiy tū
tamaclacasquín, antá huixinín cacaxtlahuátit
quintahuajcán huántu nahuayáhu eé tzisní.

¹⁶ Y amākolh discípulos táalh nac cāchiqúín,
xlicana chuná tamānókhulh lāta tū xcāhuaninít

Jesús, xlacán antá tacaxtláhualh tahuá huantú natalilakachixcuhuinán xapaxcua taakspuntzalín.

¹⁷ Acxní aya tzísualh, Jesús cátáchilh xamakapi-tzín xdiscípulos ¹⁸ y pútum tatáhui xlacata nata-huayán. Acxní luu xquilhta xtahuayamánalh Jesús cahuánilh:

—Xlicana ccahuaniyán pi chátum nataxtuyachá miliputumcán huantí naquimacamastay nac xmacancán huantí quintasitziniy.

¹⁹ Xlacán luu snun talipúhua y tzúculh talaka-lhasquín chátum achatum:

—¿Max aquit cámaj macamastay?

Y chátum huampá:

—¿Ahuayu max aquit cámaj liakskahuinín?

²⁰ Jesús cakálhtílh:

—Láta milikalhacutiycán chátum nataxtuyachá huantí lakxtum quintatamakajuma nac quimpulatucán. ²¹ Pus chúná líkantaxtuma huantú tatzoktahuilanit nac líkalhtahuaka huantú naquiakspulay aquit Xatalacsaci Chixcú; pero koxutá ámá chixcú huantí ámaj quimacamastay. ¡Xatlán xtíhua pi ni xtilacáchilh!

²² Y líhuán xtahuayamánalh Jesús tíyalh mac-tum caxtilánchahu, paxcatcatzínih Dios xtahuá, y acxní lakchékelh camáxquilh xdiscípulos y chiné cahuánilh:

—Catiyátit y cahuátit eé caxtilánchahu porque huá lítaxtuy quintiyatlíhua.

²³ Acalistán tiyapá pátum vaso xchúchut uva, paxcatcatzínih Dios, camáxquilh xtamákalhta-huakén; y huák talikótnulh acatzunín huantú xta-juma cvaso. ²⁴ Y chiné cahuánilh:

—Huá eé xchúchut uva litaxtuy quinkalhni huántu nastajtamakán xpälacatacán pütum cristianos laqüi nacatzicán liputum pi Dios tlahuaniit xasästi xtalacaxlán la nacälakmäxtuy. ²⁵ Xlicana ccahuaniyán pi niaj maktum cactilikótnulh xchúchut uva hasta acxní namälakchaníy quilhtamacú la naclikotnún tunu xasästi xchúchut uva nac xpäxtún.

Jesús lichuhuinán xlacata Pedro ámaj huan pi ni lakapasa

(Mateo 26.30-35; Lucas 22.31-34; Juan 13.36-38)

²⁶ Acxní la taquilhtlikolh kampatum salmo taampá nac amá kestín huanicán Monte de los Olivos. ²⁷ Y antá cahuánilh Jesús:

—Eé tzisní pütum huixinín naquiltzalamakanáhu. Pus chuná ámaj kantaxtuy la titzóknulh chatum profeta acxní malacpuhuánilh Dios: “Aquit nacmästay quilhtamacú camaknícalh xmaputzuayiná borregos y putum borregos natatakahuanikoy.” ²⁸ Pero acxní aquit naclacastacuanán nac calinín pulh nacamparay nac Galilea laqüi antá natanoklhacháhu.

²⁹ Pedro huánilh:

—Masqui pütum catatzalamakán, aquit ni cac-tiakxtekmakán.

³⁰ Pero Jesús huánilh:

—Xlicana cuaniyán pi eé tzisní acxní niä tasay nahuán xlimaktiy puyu, huix huanitatá nahuán maktutu pi ni quilakapasa.

³¹ Pero xlá chiné huanipá:

—Masqui ná acxtum xquintamaknícanti, pero ni cactíhua pi ni clakapasán.

Y xamakapitzín discípulos huák chuná tahuánilh.

*Jesús an kalhtahuakaniy Dios nac Getsemaní
(Mateo 26.36-46; Lucas 22.39-46)*

³² Acxní táchalh nac aktum cäquihuín huanicán Getsemaní, Jesús chiné cahuánilh xdiscípulos:
—Uú catahuilakétit líhuán ucámaj kalhtahuakaniy Dios.

³³ Xmáñ huá catáalh Pedro, Santiago y Juan alacatunu cálelh. Antá caj xamaktum tzúculh liakatiyún y lílipuhuán tu xámaj akspulay. ³⁴ Y chiné cahuánilh:

—Luu xlicana cmaklhcatziy aktum talipuhuán nac quinacú, lámpara cámaj niy. Uú catahuilátit pero ni calhtatátit.

³⁵ Jesús alh tzinú antaní tlak lakamákat, tatzo-kóstalh nac cätiyatni, huánilh Dios para tlán ni xmáxquih tapatín huantü xámaj lakchán. ³⁶ Y chiné kalhtahuakánilh Dios:

—Quintlat Dios, huix huák tlán catuhuá tlahuaya, pus para huix lacasquina ni caquimaxqui eé tapatín, pero ni calalh huantü aquit clacasquín sinoque huá calalh mintapaxuhuán.

³⁷ Taspitpá antaní xtahuilánalh xtamakalh-tahuakén pero xlacán putum xtalhtatamáñalh. Chiné huánilh Pedro:

—Simón, ¿lácu pi lhtatápat? ¿Lácu pi nilay lacata-yani cänaçaj aktum hora talhtata? ³⁸ Skálalh cata-huilátit y cakalhtahuakanítit Dios laquí ni natatla-jiyátit acxní nacatzaksacanátit. Pus mäsqui milis-tacnicán luu xlicana akstítum lipinátit xtalaca-pastacni, mintiyatlihuacán ni tayaniy porque ni kalhiy litlihueke.

39 Jesú斯 ampá kalhtahuakaniy Dios y chunaliútum quílixakátlih cumu la xapulh. **40** Acalistán ampá antaní xtahuilánalh xdiscípulos pero xlacán xtalhtatamānampá porque niajlay xtalacatayaniy xlakastapucán talhtata. Y acxní tzúcuhl caxakatliy Jesú斯, xlacán ni xtacatziy lácu natakalhtinán. **41** Xlá ampaj kalhtahuakaniy Dios xlimaktutu, y acxní quitáspitli chiné cahuánilh:

—¿Pi chunacú lhtatapátit y jaxpátit? Niaj chuná catlahuátit porque aya lakchánit quílhtamacú la naquimacamaštacán aquit Xatalacsacni Chixcú nac xmacancán huantí quintasitziniy. **42** Lálihuán cataquítit porque aya mima huantí naquimaca-maštay.

Jesú斯 chilencán

(Mateo 26.47-56; Lucas 22.47-53; Juan 18.2-11)

43 Jesú斯 xchuhuínamajcú acxní talákchilh lhuhua cristianos huá xcápulanitílhay xdiscípulo huanicán Judas Iscariote. Catuhuá xtalimín, huintí xlimín espada, makapitzín ya quihui. Umakólh lacchixcuhiún huá xtamalakachánit xanapuxcún cura, xahua xmakalhtahuakenacán judíos y lakkolutzinni huantí xtamapeksinán. **44** Judas huantí macamástalh xcáhuaininit lácu natalilakapasa laqui natalén:

—Huantí quit naclacatzuca huá cachipátit y calipítit.

45 Acxní lákchálh, laktalacatzúhuílh y chiné huánilh:

—Uú clakmimán, makalhtahuakená.

Lanchuná huanikolh lacátzuchi. ⁴⁶ Y makapitzín tachípalh Jesús laquí natalén cumu la chatum tachín.

⁴⁷ Chatum xdiscípulo xtat máxtulh xespada y cactínilh xtakén chatum xtasacuacán huanti xtamalakachanit xanapuxcun cura. ⁴⁸ Jesús cahuánilh amakolh lacchixcuahuín:

—¿Túcu xpälacata huixinín tanítátit quilächipayáhu cumu la chatum kalhaná y hasta litanítátit espada xahua quihui? ⁴⁹ Chali chalí aquit antá xquilaucxilháhu acxní xaccamakalh-chuhuiniy cristianos, pero necxni xquilächiléhu; pero juerza huá chuná quilitáxtulh xlacata nakan-taxtuy huantü tatzoknít nac likalhtahuaka tu ámaj quiakspulay.

⁵⁰ Y putum xdiscípulos tatzalamákalh, sacstu taakxtekyáhualh Jesús. ⁵¹ Pero chatum xdiscípulo cstalanimá antaní xlaclemaca Jesús nac pumapeksín; acxní ucxílhca na xamácalh chipacán. ⁵² Chipaníca clhákat, pero cumu caj xamactum caj la sábana, huata xlá tapúxtulh clhákat y xalhtan-tala tzálalh.

*Xanapuxcún cura tamákalhapaliy Jesús
(Mateo 26.57-68; Lucas 22.54-55, 63-71; Juan 18.12-14, 19-24)*

⁵³⁻⁵⁴ Huata Pedro na tistalánih tlak tzinú lamaákat hasta licháncalh Jesús nac xpumapeksincán cura y antá xlá tamákxtekli antaní xtahuilánalh policías y tzúculh catabskón. Putum xanapuxcun cura xahua lakkolutzinni huak tatamacxtúmilh xahua xmákalhtahuakenacán judíos. Caj lipuntzú limínca Jesús nac xlacatín xapuxcu cura.

55 Makapitzín xanapuxcun cura xahua huánti xalactalipahu mapeksinanín tzúculh talacputzay lácu tlán natamakniy Jesús, pero nítu tamaclánih huántu nataliyáhuay. **56** Masqui makapitzín cristianos catuhuá tzúculh tahuán huántu xtaliyahuay pero acalistán xtzucuparay talalimaaklhuhuiy porque ni acxtum xtalicatziy huántu xtaaksaninamánalh. **57** Y makapitzín tatáyalh, chiné taliakskahuínalh:

58 —Aquinín ckaxmatnítáhu pi chiné huá tamá chixcú: “Aquit naclactlahuay eé xpúsiculan Dios huántu tacaxtlahuanit lacchixcuahuín pero caj xliaktutu quilhtamacú aquit nacllahuay aktum pero atzinú xatlán nixachuná huántu tlahanit lacchixcuahuín.”

59 Pero nipara chuná acxtum xtalicatziy huántu xtaliaksaninamánalh y nítu xtamatlantiy huántu xtaliyahuamánalh.

60 Acxní táyalh huánti luu xapuxcu cura, chiné huánih Jesú:

—¿Lácu pi nítu catikalhtínanti? ¿Pi ni kaxpátpat laṭa túcu taliyahuamán umaqolh lacchixcuahuín?

61 Jesú nítu kalhtínallh, caj xmán cacs táyalh. Pero amá xapuxcu cura amaktum kalhasquimpá y huánih:

—¿Pi xlícaná huix Cristo huánti Xkahuasa Dios?

62 Jesú huánih:

—Xlicana aquit Cristo. Y namín quilhtamacú acxní huixinín naucxilhátit lā aquit Xatalacsaci Chixcú cuilachá nahuán nac xpaxtún Dios, y nachuná lā aquit cmimáparachá nahuán nac xlacni puclhni.

63 Amá xapuxcu cura xtitli clhákət laqui pütum nacatzicán pi sítzilh, y cahuánilh xcompañeros:

—¿Túcuajyá testigos tilacasquináhu? **64** Caj xpalacata xtachuhuín eé chixcú talalacataquínit Dios, aya kaxpáttit. ¿Túcu natlahuaniyáhu, huixinín lacpuhanátit?

Xlihuak huantí antá xtahuilánalh takalhtínalh:

—¡Mejor camaknícalh!

65 Makapitzín tzúculh talacachujmaniy, talilakáchilh mactum lhákət, talakakáxilh y chiné tzúculh tahuaniy:

—Camalakchipini, ¿tícu lakakaxín?

Lanchuná tatlahuakolh camacamaxquícalh policías y xlacán nachuná tzúculh talakakaxiy.

Pedro ni litayay para lakapasa Jesús

(Mateo 26.69-75; Lucas 22.56-62; Juan 18.15-18, 25-29)

66 Antaní xcataškoma Pedro makapitzi policías chilh chatum csquitihuíná xapuxcu cura. **67** Acxní úcxilhli pi antá cskoma, cacs lacacácnih y chiné huánilh:

—Huix ná xtalapulaya Jesús xalac Nazaret.

68 Pedro ni litáyalh y kálhtilh:

—Ni aquit, ni clakapasa tamá chixcú huantí huix huanípat.

Táxtulh nac quilhtín antaní lactanucán acxnitiyá tásalh tantum puyu. **69** Amá squitihuíná cacs lacaucxilhpá Pedro y tzúculh cahuaniy huantí antá xtalayánalh:

—Xlicana huá eé chixcú ná xtamäkalhtahuakén Jesús.

70 Pedro ni litayapá para cāna lakapasa, y caj lipuntzú amakołh policías huánti antá xtahuilánalh lacatzú tzúculh tahuaniy:

—Xlicana huix nā xtalapulaya Jesús porque huix xalac Galilea, caj huá tuncán mintachuhuín tlán lilakapascana.

71 Pedro tzúculh liaklhuhuatnán y chiné cahuánilh:

—Te Dios ni clakapasa aquit tamá chixcú, y hasta ni ccatziy tícu lichuhuinampátit.

72 Acxni káxmatli pi tásalh xlimaktiy puyu xlá lacapástacli huantú xuaninit Jesús: “Acxni niā tasay nahuán xlimaktiy puyu huix pímpat huana maktutu pi ni quilakapasa.” Pedro luu xlicana lipúhua acxni lacapastackolh pi xlicana kantáxtulh huantú xuaninit Jesús y tzúculh tasay.

15

Pilato makalhapaliy Jesús

(Mateo 27.1-2, 11-14; Lucas 23.1-5; Juan 18.28-38)

1 Acxni xkakakolh amá tzisní tatamacxtumipá xanapuxcun cura chu xmäkalhtahuakenacán judíos xahua lakkolutzinni, y tachín tállel Jesús nac xlacatín mapeksiná Pilato. **2** Xlá mäkalhapálilh Jesús y kalhásquilh:

—¿Pi xlicana huix xreycán judíos?

Jesús kálhtilh:

—Xlicana huantú quilhuámpat porque aquit xlicana rey —huánilh.

3 Y huánti xtasitziniy catuhuá tzúculh talijahuay taaksanín. **4** Pilato týyalh y huánilh Jesús:

—¿Lácu pi nítu catikalhtínanti? ¿Pi ni kaxpata pi catuhuá taliyahuamán umákolh lacchixcuahuín?

⁵ Pero Jesús nítu kalhtínalh y huá xlacata niaj cátzilh Pilato túcu nakalhasquín.

*Pilato limapeksinán camaknicalh Jesús
(Mateo 27.15-31; Lucas 23.13-25; Juan 18.38-
19.16)*

⁶ Acxni xlakchán xapaxcua taakspuntzalín xlismaninjt Pilato xmakxtéka chatum tachín porque chuná xtalisquiniy putum lacchixcuahuín. ⁷ Y nac pulachin xtanuma chatum tachín xuanicán Barrabás chu xcompañeros huantí xtamalacatzuquini tasitzi nac xcächiquincán y lhuhua cristianos xtamaknijit. ⁸ Y caj lipuntzú tachilh lhuhua cristianos, tzúculh tasquiniy Pilato xlacata nacamakxtekniy chatum tachín cumu la xtalismaninjt. ⁹ Pero Pilato cäkalhásquilh:

—¿Pi lacasquinátit huixinín cacmákxtekli xreyécán judíos?

¹⁰ Porque Pilato xcatziy pi caj xtaquiclhcatzán xanapuxcun cura por eso xtalicmacamaxquinjt.

¹¹ Pero xanapuxcun cura lalihuán tzúculh tamakalhchuhuiñiy cristianos laqui mejor catásquilh xlacata camakxtékca Barrabás. ¹² Pilato cäkalhasquimpá:

—¿Y túcu lacasquinátit nacllahuaniy amá chixcú huantí huixinín huaniyátit xreyécán judíos?

¹³ Xliputum cristianos tzúculh taquilhán:

—¡Capekextokohuaca nac cruz!

¹⁴ Pilato cähuaniipá:

—¿Pero túcu njtlán tlahanit?

Pero xlacán caj tzucupaj taquilhán:

—¡Capekextokohuacácalh nac cruz!

15 Cumu Pilato ni xlacasquín tícu nasitziniy pus huá límákxtekli Barrabás y mapeksinalh xlacata nakesnokcán Jesús, acalistán camacamáx-quilh tropa laquí xlacán natapekextokohuacay nac cruz.

16 Amakolh tropa tálélh cälakuán pero cxplacni xpumapeksín Pilato antanícu pütum tropa xtatamacxtúminit. **17** Xlacán tamalákxtulh clhákat Jesús y tamalhákelh mactum xapustapuhua lhákat cumu la xla rey, y taacuúlilh nac xakxaka aktum corona xla lhtucún. **18** Y tzúculh tamatasiy:

—¡Canecxnicahuá calatámálh xreyécán judíos!

19 Tzúculh taliaksnokmiy kantum lasasa y talacachujmánilh, talakataquilhpútalh y tatatzokostánilh xtachuná cumu la tlahuacán nac xlacatín chatum rey. **20** Acxní talikamanankolh, tamalákxtulh amá xapustapuhua lhákat y huá tamalhákelh huántu luu clhákat Jesús. Acalistán tatamáctulh nac quilhtín y tálélh antaní napekextokohuacacán nac cruz.

Jesús pekextokohuacacán nac cruz

(Mateo 27.32-44; Lucas 23.26-43; Juan 19.17-27)

21 Chatum chixcú xalac Cirene xuanicán Simón xlakahuasán xcāhuanicán Alejandro y Rufo, xlá xquitaspitma nac xcātuhuán y antá xtitaxtuma antaní xtalayánalh tropa acxni tachipapáxtokli makapitzín tropa y akchú tamalénilh xcruz Jesús.

22 Antá lénçalh Jesús nac aktum kestín xuanicán Gólgota. Eé tachuhuín huamputún: Cxaclúcuit Nin. **23** Acxní antá licháncalh Jesús, maxquícalh nahuay cuchu huántu xlakmacancanít lícuchu

laquí ni namaklhcatziy huanicán mirra. Xlá caj mākalhuañícalh y ni hualh.

24-25 Camaknajatza hora xuanit acxní pekextokohuacácalh nac cruz. Amākolh tropajni tzúculh talimacán suerte clhákət Jesús laquí xatícu nalakchán. **26** Nac xacpún cruz xtokuacácalh pitzu páklhat antá xuan túcu xpamacata xlimakanícanít, y nac páklhat chiné xtatzoknít: “Huá eé chixcú xreyecán judíos.” **27** Y ná antá xcapekextokohuacacanít chatiy kalhañanín, chatum xpekstácat Jesúz y chatum xpekxuqui. **28** Pus chuná likantáxtulh huantú xtatzoktahuilanít nac likalhtahuaka lata tū xámaj paxtoka Cristo: “Cumú la chatum kalhañá limaxtúcalh.”

29 Catihuá tī antá xtatitaxtuy marí xtalikalhka-mañán, xtatalacalhcata y chiné xtahuaniy:

—¡Chinchú cumu huana pi nalactlahuaya lanca quimpusiculancán y caj liaktutu quilhtamacú nayahuaya tunu atzinú xatlán! **30** ¿Túcu chú lani? ¿Lácu pi nilay chú tactaya nac cruz y calakmáxtúcanti mēstu?

31 Makapitzín xanapuxcun cura xahua xma-kalhtahuakenacán judíos, nāchuná xtalikalhka-mañán, chiné xtahuán:

—¡Chinchú cumu tlān camapácsalh atunu cristianos pus chū calakmáxtúcalh sacstu! **32** Para xlá xlícaná huá Cristo osuchí xreyecán judíos sacstu catáctalh nac cruz xlacata naliucxilháhu y chuná chū nacanajlaniyáhu.

Amākolh kalhañanín nāchuná xtalikalhka-mañán.

*Jesús niy nac cruz**(Mateo 27.45-56; Lucas 23.44-49; Juan 19.28-30)*

33 Amá quilhtamacú, máx cumu luu tastúnut xuanit, acxní chunatá laṭa capucusuankolh nac amá pulatamán y hasta cāmaktutu hora xalac cākotanún ącu cāzkakapá. **34** Y ná luu acxnitiyá chú amá hora Jesús luu palha chiné cātásalh:

—Eloí, Eloí, ¿lama sabactani? —eé tachuhuín huamputún: “Papá Dios, ¿túcu xlacata quiliak-xtekmakanita eé quilhtamacú?”

35 Makapitzín lacchixcuahuín huantí antá xtalyánalh takáxmatli y chiné tzúculh talahuaniy:

—Jó! Cakaxpáttit, tasanima profeta Elías.

36 Chatum tokosún alh lilupa xaxcuta vinagre caj la panámac y māakánulh nac kantum lasasa quihi, litamacayáhualh laquí nahuay Jesús. Y chiné cāhuánilh makapitzín:

—Calakelh para namín mactiy profeta Elías.

37 Amaktum luu palha tásalh Jesús y aya tuncán nilh. **38** Acxní nilh Jesús amá lanca lhákət xlílakat-lapanancán nac lanca pusiculan xalac Jerusalén pumakatiy huá laṭa sacstu talácxtítlı tzucuchá tālhmán hasta tutzú. **39** Chatum capitán romano antá xlaya lacatzú antaní xuaca Jesús, xlá huāk káxmatli lácu chuhuínalh y úcxilhli acxní nilh. Xlá chiné huá:

—Xlicana, eé chixcú Xkahuasa Dios xuanit.

40 Y antá ná caj mákat xtalamiyánalh makapitzín lacchaján, ná antá xlaya María Magdalena, María xtzí Santiago xatajú y José, xahua Salomé. **41** Umakólh lacchaján xtastalanitlahuanit Jesús acán canihuá xan, y xlacán xtamaktayanit

acxní xlamachá nac Galilea. Xahua antá xtayá-nalh amakapitzín lhuhua lacchaján huantí lacxtum xtataminit Jesús nac Jerusalén.

Jesús macnucán

(Mateo 27.57-61; Lucas 23.50-56; Juan 19.38-42)

⁴² Acxní xkotanuyá amá ahuatiyá quilhtamacú acán tlān scujcán porque xtamakotanín quilhtamacú acxní putum judíos xtajaxa, ⁴³ milh chatum talipahu chixcú huantí na xmaktepeksiy nac xpumapeksincán judíos nac Jerusalén xuanicán José xlá xalac Arimatea. Eé tlān chixcú xuanit, xlipahuán Dios y xkalhkalhima acxní Dios nalimín laktáxtut. José kálhilh licamama y tánulh nac xpumapeksín Pilato, huánilh xlacata camáxquih quilhtamacú naán mactiy xtiyatlihua Jesús. ⁴⁴ Pilato cacs lacáhua acxní cátzilh pi aya xninit Jesús y tasánilh capitán xlacata nakalhasquín para xlicana aya xninit. ⁴⁵ Acxní huánilh capitán pi xlicana aya xninit xlá máxquih talacasquín José xlacata calelh xtiyatlihua Jesús. ⁴⁶ José tamáhualh mac-tum sábana y alh mactiy nac cruz xtiyatlihua Jesús, huá lipumáksuitli, y acalistán mácnulh nac aktum tahuaxni huantú aya xuaxcanit nac xlacán sipi y lihuanaq lilakatalalh aktum lanca chíhuix antaní xlactanucán. ⁴⁷ María Magdalena y María xtzí José xlacán taúcxilhli antaní macnúcalh.

16

Jesús lacastacuanán calinín

(Mateo 28.1-10; Lucas 24.1-12; Juan 20.1-10)

¹ Titaxtukolh sábado acxní niṭi cscuja, y acxní tzísualh huatiyá ąmá quilhtamacú, María Magdalena, María xtzí José y Santiago, xahua Salomé, xlacán táalh tatamahuay xalacuán perfumes laquí nataán talitlahuapuxtuy xtiyatlihua Jesús. ² Lichalí domingo luu lacatzisa tatáquih y táalh antaní xmactnucanit Jesús cajcu xtaxtumächi chichiní. ³ Sacstucán chiné xtalahuaniṭilhay:

—¿Tícu chū namatakenuy cahuá ąmá lanca chíhuix huantū lacahuilicanit ąmá lhucu?

⁴ Pero acxní táchalh taúcxilhli pi tamá lanca chíhuix huantū xlilikatalacanit nac lhucu aya xmatakenucanit. ⁵ Tatánlh tzinú nac xpulacni lhucu y antá taúcxilhli pi xuí chatum kahuasa, pero luu snapapa xlhákat y pulhmán huantu clakanit, xlacán luu lān tapęcualh. ⁶ Pero xlá chiné cahuánilh:

—Ni capecuántit. Huixinín putzayátit Jesús xalac Nazaret huantí pekextokohuacácalh nac cruz. Pero xlá aya lacastacuánalh nac calinín. Masqui luu caucxílhit uú niṭi antaní xtaramicanit. ⁷ Xahuachí capitittá y cacahuaniпítit xdiscípulos xahua Pedro xlacata pi nacapulaniyán naán ąmá nac Galilea y antá naucxilhapítit porque chuná ticahuanín.

⁸ Amakolh lacchaján xtapecuacán tzúculh talhpipiy; lalihuán tatáxtulh y tokosún táalh. Pero niṭi tuncán talitachuhuínalh huantū xtaucxilhnit porque xtapecuaxnímánalh.

*Jesús tasiyuniy María Magdalena
(Juan 20.11-18)*

9 Acxní niɑ cxkakakoy amá quilhtamacú domingo Jesús xlacastacuananítá nac calinín; pero pulh María Magdalena tasiyúnih laqui xlá naucxilha pi lama xastacná. Huá eé puscat huánti xtamacxtuninit kalhatujún xespíritu akskahuiní. **10** Acxní xlá úcxilhli Jesús xlá calákalh amakolh xcompañeros Jesús huánti makas quilhtamacú xtatalatapulinit y cahuanilh lácu xucxilhnit, xlacán xtalipuhuamánalh y xtatasaxnímánalh. **11** Pero acxní xlacán cahuanícalh pi Jesús xlacastacuananít y xlama xastacná, ni tacanájlalh.

*Jesús c̄atasiyuniy ch̄atiy xtamākalhtahuakén
(Lucas 24.13-35)*

12 Caj lipuntzú ná c̄atasiyúnih ch̄atiylitum xtamākalhtahuakén xlacán xتayánalh nac tiji xtaamánalh nac aktum c̄achiquín; c̄atasiyúnih laqui nataucxilha pi xlama xastacná. **13** Acxní taucxilhkoh, xlacán lalihuán tatáspitli y táalh talitachuhuinán xamakapitzín discípulos pi xlícaná xlacastacuananít. Pero xlacán nipara chuná tacanájlalh.

Amá tascújut huantu natamākantaxtiy apóstoles

(Mateo 28.16-20; Lucas 24.36-49; Juan 20.19-23)

14 Y acalistán litum Jesús c̄atasiyúnih pac̄ kalhacahuitu xdiscípulos laqui natacanajlay pi xlícaná lama xastacná. Xlacán xtahuilánalh nac mesa xtahuayamánalh; xlá calacaquílhñilh tzinú porque luu ni xtacanajlaputún para xlícaná xlama xastacná, porque caj taliaklhuhuátnalh acxní xlíchuhuinancanít pi xlacastacuananít. **15** Acalistán

acxni xlacán lacatum xtatamacxtumínít chiné cahuánilh:

—Capítit xlihuák cachiquín huántu tahuilánalh xlicalanca caquiltamacú y cacalimákalchuhuinítit xlihuák cristianos eé quintachuhuín huántu māstay laktáxtut. ¹⁶ Huánti naquintalipahuán y natataakmunuy natalakmáxtuy xlistacnicán, pero huánti ni naquilipahuán pus ámaj malaktzankey xlistaci nac xlacatín Dios acxni nacamaxokonicán huántu tititlahuanít. ¹⁷ Y xlacáta natacatziy pi Dios lama nac milatamatcán makapitzín huánti naquintalipahuán nacamaxquicán litlihueke xlacata tlān natamapacsay huánti cāmakatlajanít xespíritu akskahuiní y tlān natalichuhuinán tipākatzi tachuhuín huántu xlacán niā xtacatziy. ¹⁸ Hasta tlān natachipay luhua y nițu caticatlahuánilh, y para túcu natahuay huántu kalhiy veneno nițu catitalilánilh, y caj xmacán tlān natalimapacsay taatatlanín.

*Jesús an nac akapún
(Lucas 24.50-53)*

¹⁹ La chuná cātachuhuinankolh Quimpuchinacán Jesús tzúcuh tatálhmāniy y alh nac akapún antaní huilachá Dios. ²⁰ Y acalistán amakolh xtamakalhtahuakén tatácxli y táalh antaní tahuilánalh lactzu cachiquín, tzúcuh tamakalchuhuiniy cristianos xtachuhuín Cristo huántu māstay laktáxtut. Y cumu Dios xcāmaktayama xlacán xtatlahuay lhuhua laclanca līcācnít tascújut laqüi chuná nacatzicán

San Marcos 16:20

xcviii

San Marcos 16:20

pi Dios xlama nac xlatamātcán y xlicana
xtalichuhuínamánlh xtalacapastacni.

**Xasasti talacaxlan
New Testament in Totonac, Coyutla (MX:toc:Totonac,
Coyutla)**

copyright © 2006 Wycliffe Bible Translators, Inc.

Language: Totonac, Coyutla

Translation by: Wycliffe Bible Translators, Inc.

Totonaco, Coyutla [toc], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Totonac, Coyutla

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

c

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

88b96e23-f7a2-5cc8-864a-fdcd6f0686f4